

續  
文  
獻  
通  
考

卷一三三——一三六

7保土  
5266  
70-34



門 5266  
號 70-34  
卷

續文獻通考卷之一百二十三

皇明進士雲間王圻纂輯

王禮考 巡狩

宋

寧宗嘉定七年 四月幸太乙宮明慶寺禱雨

理宗景定四年車駕幸太乙宮赴座官賜禮簪花時太學生劉黻上疏諫游幸其畧曰天下有道人主以憂勤而志逸樂天下無道人主以逸樂而志憂勤自昔國家又安四夷賓服享國日久侈心漸生若漢武帝之單于震讐言而有千門萬戶之觀唐明皇之北邊無事而有驪山溫泉之幸至於隋之煬帝陳之後主危亡日迫遊觀無

系之虞通考卷之二十一  
度不足效也堯舜禹湯文武之兢業祇懼終始憂勤無  
逸言遊畋則不敢日昃則不暇食曷嘗借祈禳之詭以  
事遊觀之適比年以來以幸為利以玩為常未免有輕  
視世故眇忽天下之心單于未嘗震讙而有武帝多欲  
之費耗北邊未嘗無事而有明皇宴安之鳩毒陛下春  
秋尚壯貽謀垂憲之機悉在陛下作而不法後嗣何觀  
自十數年間創龍翔創集慶創西太乙而又示之以遊  
幸導之以禱祠蠱之以虛誕不經之說孔子曰少成若  
天性習慣如自然積久慣熟牢不可破誰得而止之且  
西太乙之役佞者進曰太乙所臨分野則為福近歲自  
吳移蜀信如祈禳之說西北坤維安堵可也今五六十年

州安全者不能十數敗降者相繼福何在耶武帝祠太  
乙於長安至晚年以虛耗受禍而後悔方士之謬雖其  
悔之弗早猶愈於終不知悔者也夫凡人主不能無過  
脫有過言過行宰執侍從當言之給舍臺諫當言之縉  
紳士大夫當言之皆所以致君於當道者也今陛下未  
為不知道未為不受人言宰執以下希寵而不言言之  
而不力皆非所以愛陛下也

遼太祖匹馬一麾斥地萬里經營四方未嘗寧居太宗兼  
制中國秦皇漢武儀文日至後嗣因之旄頭豹尾驅五  
京之間終歲勤動轍迹相尋民勞財匱神冊三年幸  
遼陽故城七年次昭烏山省風俗見高年議論朝政定

吉凶儀

太宗天顯元年正月幸渤海復幸忽汗城閱府庫物賜從臣有差 十年十一月幸弘福寺見觀音畫像乃大聖皇帝應天皇后及人皇王所施顧左右曰昔與父母兄弟同聚觀于此時月未幾今我獨來悲嘆不已 會同三年三月詔扈從擾民者從軍律

穆宗應曆十三年二月如黃河觀群臣射賜物 十六年七月諭有司凡行幸之所必高立幟幟令民勿犯違者以死論

聖宗統和四年四月次南京以夷離畢姑里右部送輜重於行宮暑行日五十里人馬疲乏遣使讓之 七年正

月幸易州御五花樓撫諭士庶 十年正月如臺湖以

臺湖為望幸里 十二年三月如長春宮觀牡丹 二

十一年九月幸女河湯泉改其名曰松林 開泰四年

十二月南巡海徼 太平三年五月清暑緬山賜名曰

永安 四年正月如鴨子河二月改鴨子河曰混同江

撻魯河曰長春河 五年幸南京民以年穀豐盈車駕

臨幸爭以土物獻上禮高年恤鰥寡賜醕飲至夕六階

燈火如晝士庶嬉遊上喜亦微行觀之

興宗重熙五年四月幸后弟蕭無曲弟曲水泛觴賦詩

五月幸北院大王高十行帳拜與賜銀絹 七年二月

駐蹕東川幸五方閱鷹鷂 十五年七月如秋山禁扈

從踐民田 二十三年十月駐蹕中京幸新建秘書監  
道宗大康三年二月以中京饑罷巡幸 五年九月禁扈  
從擾民 大安二年九月還自上京出太祖太宗所御  
鎧仗示燕國王延禧諭以創業征伐之艱

天祚帝保大二年正月爲金人所逼幸雲中遺傳國璽  
遼帝秋冬避寒春夏避暑隨水草就畋漁歲以爲常四時  
各有行在之所謂之捺鉢 春捺鉢曰鴨子河灤 夏  
捺鉢無常所多在兔兒山 秋捺鉢曰伏虎林 冬捺  
鉢曰廣平淀

廣平淀皇帝牙帳以槍爲硬寨用毛繩連繫每槍下黑  
氈傘一以庇衛士風雪槍外小氈帳一層每帳五人各  
執兵仗爲禁衛南有省方殿殿北約二里曰壽寧殿皆  
木柱竹椽以氈爲蓋綵繪黼柱錦爲壁衣如緋繡額又  
以黃布繡龍爲地障窓隔皆以氈爲之付以黃油絹基  
高尺餘兩廂廊廡亦以氈蓋無門戶省方殿北有鹿皮  
帳帳次北有八方公用殿壽寧殿北有長壽帳衛以硬  
寨宮用國兵四千人每日輪番千人祇直禁衛外卓槍  
爲寨夜則拔槍移卓御寢帳周圍拒馬外設舖傳鈴宿  
衛每歲四時周而復始焉 四時巡狩契丹大小內外  
臣僚并應役次人及漢人宣徽院所管百司皆從漢人  
樞密院中書省惟摘宰相一員樞密院副都丞旨二員  
令史十人中書令史一人御史臺大理寺選摘一人扈

從每歲以正月上旬車駕啓行宰相以下同于中京居  
守行遣漢人一切公事其除拜官僚止行堂帖差俟會  
議行在所取旨出給誥勅文官縣令錄事以下更不奏  
聞武官須奏聞不許擅除五月納涼行在所南北臣僚  
會議受宋及諸國禮貢十月坐冬行在所齊如之

問聖體儀 車駕至換金魚御帳臣僚公服問聖躬萬  
福贊再拜各祇候奏事宜徽以下書恨教坊與臣僚同  
車駕還京儀 前期一日宣徽以下橫班諸司閣門並  
公服于宿帳祇候至日詰旦皇帝乘玉輅閣門宣諭軍  
民訖道駕侍相以下進至內門閣副勘箭畢通事舍人  
鞠躬奏臣宜放仗禮畢

勘箭儀 皇帝乘玉輅至內門北南臣僚于輅前對班  
立勘箭官執雌箭門中立東上閣門使詣車前諸雄箭  
在車左立勾勘箭官進勘箭官揖進至車約五步面車  
立閣使言受箭行勘勘箭官拜跪受箭舉手勘訖鞠躬  
奏內外勘同閣使言准勅行勘勘箭官平立退至門中  
舊位立當冒執箭贊軍將門仗官近前門仗官應聲開  
門舉聲兩邊齊出並列左右立勘箭官贊呈箭次贊內  
出喚仗御箭一隻准勅付左金吾杖行勘贊合不合應  
合合贊同不同應同同訖勘箭官再進依位立鞠  
躬自通全衙臣某對御勘箭同退門中立贊其箭謹付  
閣門使進入事畢其箭授閣使轉付宣徽

金太宗天會八年七月如東京温湯 十年七月如中京

十月如興中府 十二月至興中府 十二年正

月如東京 四月至自東京

熙宗天眷元年二月如刺春水幸天開殿 二年二月

如天開殿 六月至自天開殿 三年四月如燕京

皇統二年二月如天開殿 四年二月如東京 九月

如東京 五年正月次濟州東水 九月至自東京

特諫議大夫程案疏畧曰古者天子皆有巡狩無非事

者或省察風俗或審理冤獄或問民疾苦以宣布德澤

皆巡狩之名也國家肇興誠恐郡國新民逐末棄本習

舊染之污奢侈詐僞或有不明之獄備濫之刑或力役

無時四民失業今鸞輿省方將憲古行事臣願天心洞

照委之長貳釐正風俗或置旣匣以申冤枉或遣使郡

國問民無告皆古巡狩之事昔漢昭帝問疾苦光武求

民瘼如此則和氣通天下丕平可坐而致也疏奏上嘉

納之

海陵貞元元年二月自中京如燕京 三月至自燕京始

備法駕 二年三月幸大興府 正隆六年正月命叅

知政事李通諭宋使徐度等曰朕昔年從梁王軍樂南

京風土常欲巡幸今營繕將畢功期以二月末先往河

南帝王巡狩自古有之以淮右多隙地暫欲校獵其間

從兵不踰百人况朕宗室陵廟在此安能入于彼乎汝

續文獻通考 卷之二百三十一 六  
等歸告汝主令有司宣諭朕意使淮南庶民無懷疑懼  
三月次河南府幸汝州温湯視行宮地自中都至河  
南所過麥皆為空復禁扈從毋輒離次及遊賞飲酒犯  
者死而莫有從者 六年四月次温湯戒扈從毋輒過  
汝水上

世宗大定元年十一月以如中都期日詔群臣又詔中都  
轉運使左淵曰凡宮殿張設無得增置無役一夫以擾  
百姓但謹園禁嚴出入而已戊子辭謁太祖廟及貞懿  
皇后園陵已丑如中都 三年九月如大房山詔翰林  
待制劉仲海等廡問車駕所經州縣 四年正月如安  
州春水大雪詔扈從人舍民家者人支錢一百與其主

九月幸鷹房主者以鷹隼置內省堂上上怒曰此宰  
相廳事豈置鷹隼處耶痛責其人俾置他所 七年十  
月次保州上謂侍臣曰近聞朕所經郡邑其文至張堂守  
後皆避之此甚無謂可宣諭令仍舊居住 十二年五  
月如百花川諭宰臣曰朕每次舍凡秣馬之具皆假于  
民間多亡失不還其主此彈壓官不職可擇人代之所  
過即令詢問但亡失民間財物並償其直 十七年五  
月幸姚村淀閱七品以下官及宗室子諸局承應人射  
有差 十八年正月如春水 四月上謂宰臣曰朕巡  
狩所至必令體訪官吏臧否何如玉田主簿石抹杳乃  
能吏也可授為本縣令 二十年正月幸石城縣行宮



以玉田縣行宮之地爲御林大淀灤爲長春淀 二十二年三月諭戶部今歲行幸山陵所須並不得取諸民間雖所用人民並僱以官錢違者杖八十罷職 二十四年十月幸東宮賜皇孫吾魯補洗兒錢 時世宗將幸上京大理司直路伯達上書諫曰人君以四海爲家豈獨舊邦是思空京師而事遠遊非慎重之道也書奏不報後薛王府掾梁襄上疏極諫曰金蓮川在重山之北地積陰冷五穀不殖郡縣難建蓋自古極邊荒棄之壤也氣殊候異中夏降霜一日之間寒暑交至特與上京中都不同尤非聖躬將攝之所凡奉養之具無不遠勞飛輓越山踰險其費數倍至于頓舍之處車騎闐塞

主客不分牛馬風逸以難收減獲逋逃而莫得奪攘蹂躪未易禁止公卿百官衛士富者車帳僅容貧者穴居露處輿臺皂隸不免困踣饑不得食寒不得衣一夫致疾染及衆人天傷無辜何異刃殺此特細故耳更有大于此者臣聞高城浚池深居遠禁帝王之藩籬也壯士健馬堅甲利兵帝王之爪牙也今行宮之所無有高殿廣宇城池之固是廢其藩籬也掛甲常坐之馬日暴雨蝕臣知其必羸瘠矣禦侮待用之軍穴居野處冷啖寒眠臣知其必疲瘵矣衛官周廬纔容數人一旦霖潦積旬衣甲弓刀濡濕柔脆豈堪爲用是失其爪牙也神龍不可以失所人主不可以輕行雖陛下悅以使人勞而

不怨豈若不勞爲愈人君者不可恃人無異謀要在處已無憂患之地耳燕都地處雄要北倚山嶮南壓區夏若坐堂隍俯視庭宇本地所生人馬勇勁方遼雖小止以得燕故能控制南北坐致宋幣燕蓋京都之選首也况今又有宮闕井邑之繁麗倉府武庫之充實百官僚屬皆處其內非曩日之陪京也居庸古北松亭榆林等關東西千里山峻相連近在都畿易于據守陛下舍此而他往倘有內隙乘之臣甚懼焉議者謂往年遼國之君春水秋山冬夏捺鉢舊人喜談之以爲真得快樂之趣陛下效之耳臣謂三代之政今有不可行者况遼之過舉哉且遼之基業根本在山北之臨潢其所遊不過

臨潢之旁儀物殊簡輜重不多隔三五歲方一行非歲歲如此也本朝皇業根本在山南之燕豈可舍燕而之山北乎上京之人棟宇是居不便遷徙方今幅員萬里惟奉一君承平日久制度殊異文物增廣輜重浩穰隨駕生聚殆逾百萬如何歲歲而行以一身之樂歲使百萬之人困于役傷于財陛下其忍之歟世宗納之爲罷行

章宗明昌五年八月如香沙秋山 六年十月以歲辛春水秋山五日一進啓居表自今可十日一進 承安四年六月次定興禁有司扈從蹂踐民田次中府勅令扈從軍所踐禾稼計直酬之 泰和二年五月諭有司曰

金井捺鉢不過二三日留朕之所止一涼厦足矣若加  
修治徒費人力其藩籬不急之處用圍幕可也 又勅  
御史臺京師拜廟及巡幸所過州縣止令洒掃不得以  
黃土覆道違者罪之

元

世祖中統元年車駕駐昔兀之地命給官錢僱京索駝運  
米萬石輸行在所 四年車駕幸開平 至元元年二  
月車駕幸上都 九月車駕至自上都 三年二月車  
駕幸上都 九月車駕至自上都 是年詔上都路總  
管府遇車駕之巡幸行留守司事車駕還即復舊 四  
年二月車駕幸上都 是後九十七幸不悉書 十八

年春正月帝如嚙州二月如柳林三月朔還宮 二十

五年三月大駕幸上都 丁酉駐蹕野狐嶺 七月駐

蹕許泥牙之地 九月大駕駐野狐嶺 壬辰至大鄰

三十一年成宗既即位巡狩三不刺之地董文用言

先帝新棄天下陛下巡遊不以時無以慰安元元人君

猶北辰居其所而衆星拱之不在勤遠畧也宜還京師

上從之車駕還宮 是年九月聖誕節帝駐蹕三部落

受百官朝賀 時監察御史崔敬䟽言太祖以上都爲

清暑之地車駕行幸歲以爲常閣有大安殿有鴻禧廡

思所以保養聖躬適起居之宜存畏敬之心也今失刺

幹耳朶思乃先皇所以備宴遊非常時臨御之所陛下

方以孝治天下屢降德音祇行宗廟親祀之禮雖動植無知罔不歡悅而國家多故天道變更臣備員風紀以言為職願大駕還大內居深宮嚴宿衛與宰臣謀治道萬機之暇則命經筵進講究古今盛衰之由緝熙聖學乃宗廟之福也

成宗元貞元年二月車駕幸上都 二年三月車駕幸上

都 是年又幸五臺 大德三年車駕幸柳林 時每

歲或二月三月車駕幸上都至九月或十月還大都

武宗時每歲幸上都如成宗 至大四年時仁宗未改元車駕將

還大都太后以秋稼方盛勿令鷹坊等人隨往庶免害

稼勅禁止之

仁宗時每歲幸上都如武宗

英宗至治二年三月帝如柳林 五月如五臺山以吳全

節為玄教大宗師 時每歲幸上都如仁宗

泰定帝泰定三年七月幸大乾元寺 時每歲幸上都如

英宗 四年二月壬午狩于灤州

文宗天曆元年幸大聖萬安寺謁世祖裕宗神御殿 至

順元年五月車駕發大都次大口已巳次龍虎臺 六

月大駕至上都 閏七月大駕將還勅上都兵馬司二

員率兵士由偏嶺至明安巡邏以防盜賊 丁酉大駕

發上都 八月大駕至京師 是歲樞密院臣言每歲

大駕幸上都發各衛軍士千五百人扈從又發諸衛護

軍萬五千人以駐山後蒙古軍三千人駐官山以守關  
梁乞如舊數調遣以俟來年從之 二年車駕幸上都  
三年五月大駕發大都時巡於上都

順帝元統二年四月車駕時巡上都 九月車駕還自上  
都 順帝至元之世以二三月時巡上都至六月還大  
都 至正元年至十八年每歲以四月時巡上都八月  
還大都

皇明

太祖洪武元年八月 帝幸北京先是 上得汴梁 詔  
以金陵為南京汴梁為北京至是幸之十月戊寅還南  
京 八年四月 上幸中都次滁州遣官祭滁陽王

上駐中都祭告 天地 五年定出巡儀注 車駕山  
入有司肅清道路官民不許開門觀望行立所在官員  
父老合迎 駕者於仗外路右叩頭俯伏候 車駕前  
行方起若遇 駐驛之處合迎 駕之人行五拜禮  
車駕行處有衝入仗內者絞仗外五十步內觀望者杖  
如於郊野外一時不能迴避者俯伏行立觀望者杖典  
仗衛官故縱者同罪失覺減二等陳訴冤抑仗外俯伏  
以聽如衝入仗內者如律合迎 車駕之人仗外不俯  
伏者亦如律 車駕所至凡文武官非近侍及宿衛護  
駕而在五十步內者依例俯伏行立觀望者如律  
縱放牲畜突入仗內者杖 凡皇城宿衛及在京守門

官員軍士遇 駕出入執仗肅立不須迴避其在外城  
鎮守門官及士卒如遇 車駕經行則俯伏迴避

成祖永樂六年八月丙戌 詔明年二月巡北京 七年

正月 命學士胡廣諭德楊榮金幼孜修撰王英等扈

從 二月 上啓行 命皇太子監國 三月 車駕

至北京 御奉天殿受朝賀 八年十月丁酉 車駕

發北京 十一月癸亥朔冬至 車駕還京 十一年

二月 上巡幸北京 皇太孫從 十四年冬十月

上還南京 十五年三月壬子 上巡北京 皇太子

監國 命胡廣楊榮金幼孜扈從

六年改定巡狩儀注 一 詔諸司及鎮守官知會

一 禮部預行各處凡有重事并四夷來朝俱達 行在

所仍具本啓聞其餘事務奏啓俱達 京師啓聞施行

事有疑礙者在京合該衙門具奏取自 上裁凡進拜

表箋表文達 行在所箋文達 京師 一 禮部預行

經過所在軍民衙門俟 車駕至官吏生員耆老朝見

及預行北京畿內文武衙門令掌印官俟 車駕至朝

見 一 祭祀 車駕將發奏告 天地 社稷 太廟

孝陵祭大江旗纛等神輒祭於 承天門其經過處

所滁州遣官祭滁陽王泗州遣官祭 祖陵鳳陽祭

皇陵祭淮關里遣官祭先師孔子望祭泰山沿途古先

聖賢忠臣烈士祠墳禮部預期奏聞遣官致祭將至北

續文獻通考卷之三百三十三  
京境上設壇祭北京山川等神 車駕至北京奏告  
天地祭告境內山川等神 一扈從在京馬步軍五萬  
人內馬軍一萬步軍四萬馬軍五千步軍五千充 駕  
前軍餘馬軍五千步軍三萬五千分五軍率領每軍馬  
軍一千步軍七千以都指揮指揮千百戶管領錦衣衛  
仍選將軍五百人校尉二千五百人力士二千人 一  
侍從五府都督各一員首領官一員吏六人吏部堂上  
官一員文選等四司官五員辦事官二十員歷事監生  
四十人人材五十人吏十人戶部堂上官一員北京等  
十二司官十三員辦事官十員吏二十四人禮部堂上  
官二員儀制等四司官七員辦事官十員吏十二人鑄

印局官一員吏一人匠六人兵部堂上官一員武選等  
四司官七員辦事官五員吏十五人刑部堂上官一員  
浙江等十二司官十二員辦事官五員吏十三人工部  
堂上官二員營繕等四司官十員辦事官二十員吏十  
五人都察院堂上官一員浙江等十二道監察御史二  
十四員辦事官五員吏二十四人通政司堂上官二員  
首領官一員吏六人大理寺堂上官一員左右寺官六  
員吏十人太常寺堂上官二員首領官一員吏二人贊  
禮郎四員協律郎一員司樂一員樂舞生二十人厨子  
五十人光祿寺堂上官三員首領官一員署官十七員  
辦事官六員吏三人厨子一千人鴻臚寺堂上官四員

首領官一員序班四十員鳴贊四員及通曉夷語者斟酌帶去翰林院 內閣官三員侍講修撰典籍等官六員書 制勅秀才八人及譯寫四夷文字監生十三人尚寶司官二員吏科給事中三員戶科給事中三員禮科給事中三員中書舍人四員寫 誥秀才五人行人司行人十員太醫院堂上官二員生藥庫官一員醫士摘選十分之二吏三人欽天監官三員天文生十五人數坊司奉饗韶舞司樂各一員俳長色長樂工斟酌用之 一扈從文武官軍人等陸路文武官員人等寫制誥秀才譯字監生緊用供應醫士天文生及各厨役人等俱給馬騾驢匹官給外脚力驢給鈔六十錠自備

辦事官監生人才吏典及醫士厨役等非緊用者人給脚力鈔二十錠隨伍官員將軍校尉力士旗軍每二人給驢一匹如不敷亦給鈔六十錠自備水路俱應付船隻遇陸路應付車輛 一緣途各站每站增馬二十疋令附近衛所馬軍內差撥仍令附近有司備車一百輛無車之處起夫五百人聽候 一經過處所支給糧草扈從官員人等日給行糧二升馬日給料四升草一束驢料一升草一束 一車駕將發宴在京文武群臣 賜扈從文武官員軍校人等鈔公五十錠候四十二錠伯三十錠一品二品二十錠三品四品十五錠五品十二錠六品七品十錠八品九品八錠未入流及辦事



官將軍總小旗人鈔七錠將軍及各衛總小旗人鈔六錠監生秀才吏典人材醫士樂舞生軍校力士厨子工匠人鈔五錠軍伴皂隸樂工人等人鈔四錠在外衛所扈從及各處駐劄官軍依京衛官軍例給賞 一 車駕至北京宴文武群臣耆老 賜官員人等及命婦鈔其嘗守城命婦論次行賞 一 恭遇 萬壽聖節公侯駙馬伯文武官四品以上近侍官及監察御史預宴五品以下并辦事官監生秀才吏典軍民工匠人等依例賜鈔一錠 一 五軍六部都察院大理寺錦衣衛各鑄印信通政司鴻臚寺各鑄關防 一 扈從官員有牙牌者隨身懸帶以憑關防出入 一 經過郡縣分遣

臣考嚴守 土亦 黜陟分令給事中監察御史存問高年 飲酒肉 一 經過鳳陽 陵戶及親戚人 賜鈔六錠耆老迎見者人鈔三錠泗州 陵戶親戚耆老迎見者賞如之

宣宗宣德五年九月 車駕巡近郊冬十月丙子 車駕發京師駐蹕玉河 諭成國公朱勇等曰今農收雖畢而禾稼在場民間公私之費皆出於此扈從官軍不許入民家有所求索違者處以重刑其申 令各營悉知之 壬午駐蹕雷家站 召學士楊士奇楊榮金幼孜楊溥問曰唐太宗過此非征遼時乎眾對曰然 上曰太宗恃其英武而勤遠畧此行所喪不少帝王之鑒戒

也又問此山崩於順帝時人率謂元亡之徵卿等以為如何衆對曰順帝自是亡國之主雖山不崩國亦亡上曰此言正合朕意昔聖帝明王之世未嘗無災異大抵國之存亡係其君德之仁與不仁而已戊子回 鑾

駐泥河壬辰 車駕至京師 九年九月 上將率師

巡邊 命蹇義楊士奇楊榮胡熒楊溥吳中等扈從矣

未 車駕發京師丁酉駐蹕洗馬嶺庚子回 鑾

武宗正德九年二月 帝始微行 十二年八月 上出

居庸關至懷來宣府等處游獵邊將江彬輩導之也先

是彬與邊將許泰劉暉等皆有寵于 上賜姓朱氏號

不回家與 上在豹房同卧起狎近而彬寵尤盛屢導

上出宮游戲近郊至居庸關巡關御史張欽閉關上

疏不聽遂遠出關外楊廷和等累疏請回 鑾且言居

庸臨邊北虜不時出沒為寇正統末年之時未遠可為

明鑒不聽 九月 上幸大同獵陽和虜以衆數萬掠

應州 上命諸邊將擊之虜尋引去 十三年春正月

郊祀畢 上復出關游二月二日 太皇太后王氏

崩 上還京 四月朔 上以太后將祔葬詣天壽山

祭告遂往黃花鎮密雲等處游獵五月末旬 上還京

六月虜入寧夏塞 上復議北巡楊廷和等諫 萬

乘不宜輕出 上不聽乃自稱威武大將軍太師鎮國

公朱壽巡邊又欲以朱彬為威武副將軍扈從以行

命內閣草 勅廷和語毛紀具疏連名上之疏畧曰人君承天命以為天子四方萬國皆其臣妾今乃假稱威武大將軍國公名號下同臣庶天地易位冠履混淆自古及今未之有也邇者 皇上時出巡游天下人心無不疑懼柰何又復為此萬一 宗藩之中或有援引祖訓指此為言不知 陛下何以應之又或以 朝無正臣內有奸邪為名不知 陛下之左右及臣等代言之臣又將何以自解臣等戮身亡家固不足惜但恐朝廷之上禍亂或從此始耳此臣等之所以日夜痛心疾首而不敢以自默也疏上不省時 上必欲內閣草勅屢遣中官促之楊廷和稱疾不出 上御左順

召梁儲面促草 勅儲奏曰 勅不敢草 上曰何乃逆 命對曰凡事可將順獨此 勅不敢草 上曰何不敢對曰 陛下為君乃自卑而列於臣臣草 勅是以臣名君故不敢 上大怒手劍立曰不草 勅齒此劍儲免冠解帶伏地流涕曰臣逆 命有罪願就死若草 勅則以臣名君臣死不敢奉 命良久 上亦察其誠擲劍而起更 命廷和草之既而禮部尚書李遜學等廷議欲建 儲居守時朱寧陰受寧王宸濠賂謀入寧世子司香 太廟江彬亦欲立所厚遠藩各陰有所主梁儲厲聲曰 皇上春秋鼎盛建儲未宜輕言萬一有他吾輩伏斧鑕矣邪謀豈可聽狗王瓊王鴻儒

亦助言之謀遂寢 八月 上北巡出居庸關遂歷宣  
府至大同 九月 上在大同 冬十月 上自偏頭  
關渡河幸榆林 十一月 上在榆林 十二月 上  
在榆林 十四年春正月 上在榆林 二月初旬  
上自榆林還京師 三月 上欲巡視秦岱歷徐揚抵  
南京下蘇浙浮江漢登武當且遍觀中土繁麗諸處都  
下人情恟恟時江西寧藩又蓄異謀俟釁而發內外咸  
以爲憂於是翰林修撰舒芬等約諸同志上疏乞留俱  
脅 闕下吏部尚書陸完迎諸上疏者曰 主上聞直  
諫輒引刃爲刎狀今且撒賴矣其容色辭氣盡歸若於  
上以沮言者一時言官又多其黨遂爲所沮芬乃邀

吏部郎中夏良勝儀制郎中萬潮太常博士陳九川各  
疏連上太醫院醫士徐鏊以醫諫又明日吏部郎中張  
衍慶禮部郎中姜龍兵部郎中黃鞏孫鳳員外陸震刑  
部郎中顧棠率部僚合疏入又明日工部郎中林大輅  
等大理寺正周叙等行人司副余廷瓚等並連名疏入  
於是 上大怒下黃鞏陸震夏良勝萬潮陳九州徐鏊  
于錦衣衛獄 命舒芬張衍慶姜龍孫鳳陸倬等百有  
七人跪于 午門外五日林大輅周叙余廷瓚等二十  
餘人俱下獄明日同黃鞏等六人亦跪五日於是數日  
京師陰霾晝晦人情震駭宮城內海子水溢四五尺折  
橋下鐵柱有金吾衛指揮張英明言 車駕出必不利

乃肉袒露乃于胸以死諫於是 旨命錦衣衛將舒芬等百有七人俱 午門前各杖三十為首者調外任芬調福建市舶副提舉餘俱罰俸半年 夏四月 命錦衣衛將黃鞏等六人 午門前杖五十徐燾發充軍鞏震良勝潮九川俱為民林大輅周叙余廷瓚杖五十降三級調外任其餘俱杖四十降二級調外任時被杖而死者陸震余廷瓚主事劉校何遵評事林公黼照磨劉珏行人孟陽李紹賢劉平甫李翰臣詹軾士有一人車駕遂不果出雖士氣少振江彬姦謀少沮而 國體亦少損矣 八月下 詔南征太學士梁儲蔣冕扈從時王守仁擒宸濠捷音猶未至京諸邊將在豹房者

各逞所見獻擒宸濠之策 上亦欲假親征南游太監張忠等見錢寧減賢事敗又欲因此邀功 上出師駐蹕良鄉都御史王守仁擒宸濠捷音至入奏 上令遣回待至南京另奏大學士梁儲蔣冕以宸濠就擒江西已寧屢請回 鑾不聽 九月 上至南京 十月 上在南京 禁約人民不許養猪及易買宰殺違者發極邊衛俱充軍以猪音同國姓也遠近流傳旬日之間各處城市鄉村居民將所養猪盡行減價賤賣 十一月 上在南京 十二月 上在南京 十五年正月 上在南京欲就南京舊壇大祀 天地梁儲等言南北配位不同且典章不可紊乃止 二月 上在南京

楊廷和毛紀疏請回鑾謂大祀之禮行於正月

社稷之祀舉在仲春孝貞皇后大祥在二月二日禮

應即時祔廟今改卜至再甚為非宜天下朝覲官員

吏部考察上請未奉定奪各官離任既久政務悉廢

殿試進士之制亦已踰期自去秋聖駕南行至今八

月有餘在官在外各衙門題奏俱未蒙發出施行伏望

亟賜頒師還京舉行前頒大禮各衙門題奏文書

早賜發出毋致事務久稽有生他虞不報夏四

月上在南京五月上在南京六月上在南

京秋七月上駐蹕南京既久復有游蘇杭泛江浙

汴湖湘登武當之意畿內郡縣供給繁難梁儲蔣冕自

執書奏懇請回鑾泣跪於行宮門外自未至酉上

遣中官取奏入且諭之起對曰臣未奉旨不敢起

中官復出傳旨云已知道日下便要回鑾儲等乃

起八月上在南京九月上在南京群黨欲自

獻俘襲功張永曰昔未出京宸濠已擒柰何襲之於是

以大將軍鈞帖令王守仁重上捷音守仁乃節畧前奏

入諸人名于疏內上之上始議北旋十月上自

南京班師凱旋十二月駐蹕通州十六年春正月

上還京

世宗嘉靖十五年三月上欲擇壽域奉皇太后謁

萬壽山陵遂行十八道嶺李時夏言顧鼎臣廖道南郭

勛扈從 壬戌祀 文皇帝于平臺山言行帳火暨勛

時帳俱燼言所收奏章五通亦燼翌日泛舟西湖 上

製泛舟賦 命和時勛以災疏謝言不謝 上切責之

輸罪乃已 夏四月作 幽宮 上復幸西山視工

八月 上復如天壽山遷 孝肅太皇太后神主於

裕陵 孝穆皇太后 孝惠太皇太后神主于 茂陵

各享殿夏言李時扈從還告 祖考于 內殿 十七

年夏四月庚戌 上如平臺山以 文籍京籍之所

命建亭崇祀 十八年二月十六日 駕出京南詣湖

廣承天府視計 顯陵先是 獻皇后崩 上與群臣

詳議合葬 顯陵會錦衣衛趙俊自承天回言 玄宮

有水又有言 顯陵土壤故 震位久虛者而尚書汪

鉉亦言當遷入 天壽山 上乃决意南巡躬閱 冊

立 皇太子監國以宣城伯衛綽等為留守使起翟鑾

為行邊使顧鼎臣同留守張瓚泰預機務太監交承協

守及分守京城官十人 賜鼎臣 勅曰朕幸承天已

冊東宮監國特駕御贊輔協董文武重臣居守內自

掖廷外而都城遠及邊鄙百司庶務悉以付卿事瀕入

告者以 賜印密啓 乙卯 駕發 丁卯次衛輝

行宮火陸炳負 帝出燄中 四月庚辰 回鑾 詔

天下曰朕以菲才叨承 天眷君茲黔首主御華夷所

事者人極重焉故首正父子天倫之正復崇 考廟當

有所宗邇者積愆殊深累于 慈聖鸞輿遐邁哀徒摧  
五內之傷鳳寢丹園禮厥宜 二親之共匪自經營何  
慰夙夜乃於今年春仲之十有一日奏告於 天地  
宗廟社稷徧達於百靈衆秩於十有六日 駕徂荆  
楚之舊藩躬視承天之 嚴寢月二十有五日駐蹕龍  
飛內之 卿雲宮齋潔肅誠定禮備樂有五日元吉祇  
奏告大祀于 皇天奉 皇考睿宗獻皇帝上配報生  
恩而謁 顯陵答神功而祭社稷以及道經之望徧兼  
舉諸王群職迎覲獻誠雖未如四狩之巡亦以見省方  
之意且朕何人敢外堯舜祇欲伸送終之道以求永世  
之安庶幾教天下也今 玄寢之制置旣詳 親體之

尊安攸定但念本根所在百姓繫懷勞擾久時民艱當  
軫承天府免明年田租五分之二北直河南二處亦與  
免明年三分之一用見朕懷恤之意期以今三月二十  
三日還京嗚呼慎終思永立愛敬以式臣民終始永藏  
建中業以遺孫子尚賴忠賢匡于至治 詔爾華夏宜  
悉知之

南巡儀注

一先期 上親奏告皇天于 玄極寶殿同日告聞  
皇祖太廟 皇考睿宗廟遣官分告 北郊 成祖  
列聖群廟 大社稷 帝社稷朝日夕月 天神 地  
祇用祭服太常寺備脯醢酒果翰林院撰告文 一較



祭於 承天門遣官祭旗纛之神用牲醴制帛三獻如常儀 一 駕發出 正陽中門 后妃輦轎後隨錦木衛設 欽製武陳駕備輦輿儀仗等項彙行本衛選精壯旗校八千人內以六千人專管擡奉 上座輿輦二千人專管擺執駕儀及一應正直巡綽傳宣等用選委千百戶一百二十員分班管理各分撥班接替行太僕寺調取寄養馬三千匹兌給各旗校更迭騎坐以錦木衛指揮克前驅使領千百戶等官先往肅清道路簡命武職重臣一員留守京城兵部尚書一員叅贊機務各請 勅行事以文職大臣一員總督整飭宣大等處軍務一員提督薊州山海關等處地方邊備文職一

員充行邊使往遼東薊宣大鴈門固原等九邊關視邊俗戶部齎銀隨去勞賞官軍各請 勅行事兵部奏請 皇城四門京城九門 大明門外兩邊守門文武大臣各一員坐邊官侯伯二員增設守門官軍用科道官點開京城內外巡捕官軍行圍營再選有馬官軍三千員名分為兩班酌派五城地方與同舊有官軍巡邊仍選委坐營官及各提督把總等官晝夜巡捕安定德勝門各土城門外及鄭村壩大黃莊居庸關白羊口六處地方該營揀選有馬官軍每處一千員名分為兩班輪流下營防守安定德勝門土城各用東西官廳正總兵官一員其餘各用叅將一員統領下營紫荊倒馬

續文獻通考 卷之二百一十三  
二關保定撫鎮官揀選精銳有馬官軍每關一千員各  
分爲兩班每月輪流下營守把各委坐營官一員統領  
一兵部於團營東西官廳御馬監勇士內揀扈駕官  
軍六千員名給兌馬匹內執武陳駕儀一千人總兵官  
一員領之 駕前後各二千人叅將二員領之 駕左  
右各五百人翼 駕行左右副叅將領之及行文沿途  
撫鎮等官調撥兵馬屯駐扈 駕先期戶部請 勅命  
侍郎一員率屬官六員帶領太倉銀三十餘萬兩前去  
沿途整理官軍糧料工部請 勅差郎中一員同內官  
監督理沿途橋道及 行宮蕭殿禮部行南北直隸浙  
江等十三布政司凡有要緊重事俱達 行在所奏聞

其餘事務俱達在京通政使司照常封進各該衙門啓  
請 皇太子令旨行其事有疑礙者各差人赴 行在  
所奏取 旨各處拜進表箋除歲例等項赴在京禮部  
照常類收啓請司禮監官捧進其特賀大禮不係常典  
者原差人恭請 行在投進 一扈從官五府堂上官  
各一員首領官各一員吏各一人吏部堂上官一員文  
選等四司官各一員辦事官六員吏六人戶部堂上官  
二員浙江等十三司官各一員辦事官二員吏十三人  
禮部堂上官二員儀制等四司官共六員鑄印局官一  
員辦事官六員儒士三人吏十二人鑄印匠四人兵部  
堂上官一員武選等四司官共六員辦事官一員吏六

續文獻通考卷之二十三  
人刑部堂上官一員浙江等十三司官各一員辦事官一員吏十三人工部堂上官二員營繕等四司官共十員辦事官二員吏十人都察院堂上官二員浙江等十三道監察御史各二員辦事官四員吏十三人通政司堂上官二員首領官一員辦事官二員吏二人大理寺堂上官一員左右寺官二員寺官二員吏二人太常寺堂上官六員首領官二員屬官十員吏一人執事人役四十人廚役三十人光祿寺堂上官二員四署官四員吏四人廚役二百人太僕寺堂上官一員首領官一員吏一人鴻臚寺堂上官俱從司儀司賓各一員鳴贊四員序班十六員通事四員翰林院堂上官并講讀等官

四員 制勅 誥勅二房官共二十員譯字官生四人吏十人尚寶司官四員吏一人六科給事中十二員吏六人中書舍人一員吏一人行人司行人十員吏三人太醫院堂上官五員御醫吏目八員 聖濟殿醫士選帶三分之一吏二人欽天監堂上官一員博士等官八員天文生陰陽人共十人吏一人教坊司奉鑾韶舞司樂八員俳色長樂工二百人扈從文武內外官及各項人役合用夫馬驢羸車輛廩給口糧各項應付事宜兵部定擬請轉行在外有司一體應付 內府印綬監收貯先年 行在衙門印信關防禮部領出給付各扈從官使用尚寶司給領文武字樣牙牌 一 駕發留

續文獻通考 卷之二百二十三 三十一  
守大臣率在京文武衙門官員各俱吉服先期赴 宣  
武門外彰義關候送 駕過退扈從官分程先發在途  
俱免朝叅候 駕惟禮兵二部鴻臚寺太常寺科道糾  
儀官從行光祿寺隨路預辦 御膳酒飯供具凡遇  
行宮進膳處所各該撫按守巡兵備等官選委精壯官  
軍披帶盔甲器械拱衛 嚴具不許誼譁錯亂違者聽  
錦衣衛即時具奏拏問其扈從人員戶部給散行糧  
工部辦鍋竈不許分外索害有司及人民舍混擾違者  
許被害等人赴撫按衙門告治仍行隨 駕緝事官校  
訪拏重治各該軍衛有司不許分外科斂違者聽撫按  
官體訪指實叅究重治各衙門跟隨吏書人等各照其

部原行關文於軍衛有司驛遞衙門應付不許分外多  
索其應付衙門亦要即時應付毋得遲悞違者俱赴所  
在官司告治經過駐劄地方原有商賈店舖開賣飯食  
等物照常市買不許躲避亦不許從 駕人員用強輕  
價勒買違者許被害之人即時告治兵部咨行各該巡  
撫官預先出給榜文曉諭 一經過處所真定望祭北  
嶽恒山之神用牛犢羊豕 上具常服行禮如常儀五  
府九卿巡撫大臣吉服陪拜衛輝遣官祭濟瀆之神用  
太牢鉤州望祭中嶽嵩山之神榮澤祭河神俱用太牢  
行禮如北嶽南陽遣官祭武當山之神用牲犢沿途古  
帝王聖賢忠臣烈士祠墓禮部查訪預期奏聞遣官致

祭帝王用太牢次用少牢又次脯醢酒果凡祭翰林院  
撰祭文 一各處撫按并三司官俱於所屬境上候  
駕先赴行在鴻臚寺報名 駕至行宮各俱吉服朝見  
所過府衛州縣官吏生員耆老人等俱于三十里外候  
迎道傍跪叩頭 駕過退 駕至 行宮鴻臚寺引見  
俱行五拜三叩頭禮 一各處道路 王府許 親王  
具常服預先出城候 駕其餘 宗室俱不許擅離府  
出迎 一 親王迎接先期 命文武大臣侍於途  
王於道傍拱立文武大臣下馬侍 上左右禮部尚書  
跪奉棊王其恭迎 聖駕見內侍官引 王至 駕前  
跪行叩頭禮禮部尚書進立于 上前候 旨承 旨

訖起立傳 旨示 王隨至 行宮 上入少憩 王  
具冕服 欽定文武大臣於殿內左右侍從從官於丹  
墀東西侍班候 上陞座鴻臚寺官引 王由殿左門  
入至拜位贊行五拜三叩頭禮畢 上命 賜宴內侍  
官引 王於別次少候從官叩頭如常儀 王宴畢遣  
大臣伴送回府 駕還先以書止諸王勿煩出送 一  
上臨舊邸恭詣 皇考睿宗獻皇帝廟謁告 儀具祠  
越四日行祭告 皇天禮於 龍飛殿丹陛奉 皇考  
睿宗獻皇帝配是日 上更皮弁服詣 國社壇及山  
川壇行告祭禮次日恭謁 顯陵 儀司 祠 次日從 駕  
官上表賀遂頒 詔前期一日鴻臚寺陳設表案詔案

於 龍飛殿中錦衣衛設隨 駕朝儀及迎 詔綵輿  
 香亭於丹墀教坊司設中和韶樂百官各具朝服地方  
 官吏師生耆老人等俱隨班行禮是日早鳴鐘鼓 上  
 具冕服御後殿執事官行禮畢 上陞殿鳴鞭欽天監  
 官唱時鴻臚寺贊入班贊四拜興平身唱宣表宣表官  
 宣訖贊俯伏興四拜興贊頌 詔翰林院官捧 詔授  
 禮書禮書捧 詔置雲盤內叩頭興由殿中門出置綵  
 輿內錦衣衛官校舉輿教坊鼓樂前導百官趨出候於  
 龍飛門外鴻臚寺贊入班行四拜禮贊跪宣 詔畢  
 贊俯伏興搯笏贊舞蹈山呼出笏贊四拜興平身禮畢  
 禮部尚書捧 詔出膳黃奏差行人等官頒示天下

一 聖駕回京 上親奏謝 皇天上帝於玄極寶殿  
 同日告謝 皇祖太廟 皇考睿宗廟如常儀文武官  
 吏該陪祀者俱具祭服陪拜遣官分告 北郊 成祖  
 列聖群廟 大社稷 帝社稷 朝日 夕月 天  
 神 地祇太歲旗纛都城隍等神 承天門之神俱行  
 禮如初 一百官上表稱賀如常儀

東宮監國事例

一 東宮朝駕儀仗等件 勅內府各該衙門先行造  
 辦 一請 勅欽命輔臣一員居守京師保護 皇儲  
 一應軍國機務悉聽啟行 一在京文武衙門遇有內  
 外軍機各 王府緊要重大事務悉奏請處分其有各

處啓報聲息即調邊軍勦捕仍遣人馳赴 行在所奏

聞 一 皇城四門京城九門比常皆增撥官軍守護

留守武職大臣同叅贊尚書仍每日操閱軍馬各衛衙

門稱奉 令旨調遣官軍及處分事務所司須覆啟施

行 一五府九卿各衙門凡有緊要重事俱達 行在

所奏聞其每月進繳精微監生考勤宴賞鈔錠官軍俸

糧及五府比試等項俱照常啟行 一祭祀凡遇 忌

辰 陵祭各常典祭至期太常寺啟請取 令旨遣官

行禮 郊 廟 社稷之祭 勅命行 一各處拜

進表箋特賀大禮不係常典 皇京差人恭詣 行在所

投進其進賀 中宮 東 皇又俱在京禮部類收司

禮監官捧進 一各 王府進 慈孝獻皇后香并前

京進香官朝鮮國吊使禮部啟請 命司禮監官捧進

几筵照例給賞綵段鈔錠 一吏部會推在京堂上官

六科都給事中在外方面官知府俱行在吏部奏請擢

用其大選急選并取選遠方監生及考滿復職等項俱

循例啟行 一各 王府請給 誥命勲臣襲爵歿後

追封兩京堂上官贈謚公侯伯内外文職官員請給

誥勅兩京三品以上官廕子各處土官襲職俱 行在

吏部奏行其官吏人等丁憂查放起復官員附選查題

散官等項俱照常啟行 一兵部推補兩京五府錦衣

衛在外總兵叅將各都司掌印僉書俱奏請其大選軍

職查黃績黃官舍襲替優給土官襲替及保用通事把  
事隨司辦事長官等項俱啓裁度 一各處奏報邊功  
覈勘明白應該陞賞等項俱啓請行 一在外撫按官  
劾奏不職文武官文官方面以上武官叅將以上奏聞  
待報 一京衛軍士冬夏布絹及邊衛軍士各衣布花  
襖但係年例給賞等項錢糧該衙門啓請行 一在京  
各邊鎮遇有緊急調用馬匹啓請調取兌用 一在京  
各衙門赴 行在奏事人俱兵部啓請給關應付 一  
各 王府奏訴重情辯復爵位祿米者俱詣 行在所  
奏聞其請名請封請婚等項在京俱啓行 一天下歲  
貢生員到部者該部查照事例啓行 一四夷朝貢人  
員到京一應賞宴該部照例啓行 一法司問擬罪犯  
除重囚例該覆題及京官軍職犯人例該叅提俱奏請  
定奪 一刑名凡內外大小官員有犯具啓准問者問  
之若所犯情重該衙門具由奏請待報 一都察院點  
差各處巡按御史具奏 行在餘差及考察公差回道  
御史俱啓行中間有推姦避事賊濫不職者具奏 一  
通政司每日收過奏題本照常封進下科發抄各衙門  
啓行其有疑礙難行者差人赴 行在取 旨 一大  
理寺審錄罪囚詳擬罪名干係生殺并提問大小京官  
具奏其每月繳刑部都察院問過囚犯奏本照常啓行  
俱送科備照



十八年三月辛巳 駕幸純德山立表于 陵寢之北

戊子 閱 顯陵謁 行在禮官曰此中 聖靈安悅

慶流子孫新擇諸所悉已之 行宮勿復治 四月甲

子 上幸大峪山召嚴嵩諭曰大峪地勢空淒豈如純

德山完羨謹奉 慈宮南楸 二十三年嚴嵩言 陵

工告完歲清明日請詣 陵行春享禮從之

穆宗隆慶元年七月傳諭 聖駕幸藩邸科臣言 皇上

厚德不忘舊跡固臣下所宜將順但期祥未邁遂肆燕

遊似非所宜不聽 二年三月傳諭二十六日往觀上

林 子扈蹕止用京營軍無煩冗費閣臣言官合辭

勸 是月丙子 上幸南苑先是左右有言南

海子之勝者故欣然欲觀是日 荒莽沮濕宮

館不治 上亦悔之遽 命還蹕 斤纂

王禮考 親征

太祖自渡江以後 親御戎行者九而戰苦履險幸脫于

難者惟鄱陽之役從克武昌後下偽吳取中原 六飛

俱不在行

成祖永樂七年四月遣給事中郭驥等齎書使北虜 諭

令通好為本雅失里所殺 七月征虜大將軍淇國公

丘福左右副將軍武城侯王驄同安侯火真左右參將

靖安侯王忠安平侯李遠率師征本雅失里先是韃靼

十八年三月辛巳 駕幸純德山立表于 陵寢之北

戊子 閱 顯陵謁 行在禮官曰此中 聖靈安悅

慶流子孫新擇諸所悉已之 行宮勿復治 四月甲

子 上幸大峪山召嚴嵩諭曰大峪地勢空淒豈如純

德山完美謹奉 慈宮南楸 二十三年嚴嵩言 陵

工告完歲清明日請詣 陵行春享禮從之

穆宗隆慶元年七月傳諭 聖駕幸藩邸科臣言 皇上

下月五下所宜將順但期祥未邁遂肆燕

請不示 上亦制文勅 命數戰 臣言

盡下之報未姑然然燄購景日 以死先應蓋養此然宮

續文獻通考卷之一百二十四

皇明進士雲間王圻纂輯

王禮考 親征

皇明

太祖自渡江以後 親御戎行者九而戰苦履險幸脫于

難者惟鄱陽之役從克武昌後下偽吳取中原 六飛

俱不在行

成祖永樂七年四月遣給事中郭驥等齎書使北虜 諭

令通好為本雅失里所殺 七月征虜大將軍淇國公

丘福左右副將軍武城侯王聰同安侯火真左右參將

靖安侯王忠安平侯李遠率師征本雅失里先是韃靼

太師阿魯台迎立本雅失里建文末虜主坤帖木兒被  
弑鬼力赤立非元裔也部下叛之阿魯台統有其部落  
至是迎立蒙古之族本雅失里而鬼力赤為其下所戕  
瓦剌三酉馬哈木等不附阿魯台日相讐殺 九月遣  
書諭 皇太子曰比遣丘福等率兵北征皆沒於虜辱  
國如此若不再舉殄滅之邊禍未已今選將練兵來春  
朕決意 親征凡 國家之事爾當慎重不可忽也

十月 上召諸將 諭以親征之策 八年二月 上

親征虜酋本雅失里 命胡廣楊榮金幼孜扈從 命

皇長孫留守北京以 親征胡虜 詔告天下 丁

未 車駕發北京 三月甲戌 駐蹕鳴鑾戍瓦剌順

寧王馬哈木遣完者不花答哈帖木兒等貢馬謝恩

賜絲幣襲衣 乙亥 上大閱誓師 丙子 車駕次

凌霄峰登絕頂望漠北顧胡廣等曰元盛時此皆民居

今萬里蕭條尚敢倔強果何所恃哉 丙申 駐蹕清

水源去營三里許平泉躍出洋溢四達士馬飲之不渴

賜名神應泉 夏四月丁酉朔癸卯 車駕次玄石

坡製銘勒于立馬峰之石銘曰維日月明維天地壽玄

石勒銘與之悠久 壬子 車駕次擒胡山製銘刺石

曰瀚海為鐘天山為鐸一掃胡塵永清沙漠 賜其泉

名靈濟 甲寅 車駕次廣武鎮 賜其泉名清流製

銘刻石曰於鑠六師用殲醜虜山高水清永彰我武

五月乙卯 車駕至幹難河追及虜虜拒戰 上登山布陣麾先鋒逆擊一呼而敗之本雅失里窮迫以七騎渡河遁去遂班師 六月班師至靜虜鎮阿魯台詐降逆戰敗走 上追擊大敗之 秋七月 車駕次開平宴勞將士遣楊榮齋書諭 皇太子以七月十七日抵北京 壬午 車駕至北京 十二年二月 詔親征瓦剌先是 朝廷封阿魯台為王瓦剌馬哈木等怨焉自是朝貢不至遂議親征 命安遠侯柳升將中軍武安侯鄭亨寧陽侯陳懋豐城侯李彬領左右哨成山侯王通都督譚清領左右掖都督劉江朱榮等為前鋒

三月 車駕發北京 皇太孫從行 夏四月甲辰朔

五軍出塞 五月癸酉朔 駐蹕楊林 上閱武之暇

皇太孫侍每語以創業守成之難 六月壬寅朔虜

寇峇里巴馬哈木太平把秃孛羅等率衆逆我師 上

麾柳升等發神機銃砲斃賊數百人親率鐵騎擊之虜

大敗殺其王子十餘人斬虜首數十級餘衆敗走上還

帳中 皇太孫入見 上語以虜敗之故 皇太孫叩

首稱賀 上曰此虜尚未還夜中尤須慎防遲明追撲

之必盡殲乃已 皇太孫對曰 陛下督戰勤勞 天

威所加虜衆破膽矣今既敗走假息無所寧敢返顧乎

請不須窮追宜及時班師 上然之 庚戌班師戊午

駐蹕三峰山之西南和寧王阿魯台遣所部都督朵



遣官祭居庸山川 辛巳 駐蹕雞鳴山虜寇興和者

聞 上親征遂夜遁諸將請急追之 上曰虜非有他

計能磨諸狼貪一得所欲急走追之徒勞少俟草青馬

肥道開平踰應昌出其不意直抵窟穴破之未晚 夏

四月辛丑 駐蹕龍門戍卒言虜倉俸遁去遺馬二千

餘匹於洗頭嶺 勅宣府指揮王禮盡收入城 乙卯

駐蹕雲州閱兵顧謂侍臣曰今從征之士皆各處簡擇

來者若不閱習何以禦敵兵法以虞待不虞者勝又曰

設備於已失之後者非上策朕所以慎重而不敢忽也

五月辛酉端午節 駐蹕獨石 賜隨征文武群臣

宴 乙丑 車駕度偏嶺 命將士獵於道傍山下

上顧從臣曰朕非好獵顧卒隨朕征討道中惟畋獵可

以馳馬揮戈振揚武事作其驍勇之氣耳 丁卯大閱

謂諸將曰兵行有水水因地而順流兵因敵而作勢水

無常行兵無常勢能因敵變化取勝者謂之神今先使

之習孰行陣倅遇寇至麾之左則左右則右前則前後

則後無往不中節矣 戊辰觀士卒射一小旗三發皆

中 賜牛羊各一鈔二錠銀碗二 上曰賞重則人勸

是日 上親製平虜三曲俾將士歌以自勵 庚午

召英國公張輔安遠侯柳升寧陽侯陳懋武安侯鄭亨

陽武侯薛祿隆平侯張信應城伯孫亨新寧伯譚忠興

安伯徐亨令就營中馳射 上親觀之惟輔升懋連中

餘或半中孫亭不中罷其領兵之任張信托病不至降  
克辦事官 辛未 車駕發隰寧次西涼亭西涼亭者  
故元徃來巡遊之所 上望其頽垣遺址樹木鬱然謂  
侍臣曰元氏創此將遺子孫為不朽之圖豈計有今日  
書云常厥德保厥位厥德靡常九有以亡况一亭乎可  
以為殷鑒矣因以 令禁軍士斬伐樹木 癸酉車駕  
發西涼亭次閔安 令軍中牧放樵採皆不得出長圍  
之外時營陣大營居中營外分駐五軍建左哨右哨左  
掖右掖以總之步卒居內騎卒居外神機營在騎卒之  
外神機營外有長圍各周二十里 上顧侍臣論用兵  
之法 癸未 車駕發威震次行舟 命戶部以山西

河南山東所運糧六萬餘石儲於山海 六月丙戌朔  
癸巳 車駕次威遠川開平報虜復攻萬全 上召諸  
將問計皆曰宜分兵還擊之 上曰不然此詐謀也虜  
慮大軍徑搗其巢穴故為此牽制之術然其衆不多知  
大軍北行必已喪膽况敢攻城哉不足慮也 秋七月  
丙辰朔己未 車駕次殺胡原前鋒都督朱榮等獲阿  
魯台部屬送 御營備言阿魯台所部聞大軍出皆憂  
懼日有背叛而遁者繼聞 車駕親征阿魯台舉家惴  
慄其母及妻聞之罵曰 大明皇帝何負爾而必欲為  
逆天負恩事爾死固宜而使吾屬駢首就縛而俘囚將  
死無葬身處皆汝所貽禍也阿魯台盡棄其馬駝牛羊

輜重于濶樂海之側與其家屬直北走矣 上曰獸窮則走然此黠虜未當遽信或挾詭謀示弱以誤我不可不嚴備前哨繼獲虜部曲亦言虜悉衆夜遁矣驗之而信 召都督朱榮吳成等還發兵盡收虜所棄牛羊駝馬焚其輜重 上召文武群臣諭曰朕非欲窮兵黷武虜爲邊患驅之足矣將士遠來亦宜休息遂 命旋師是夜 召諸將諭曰阿魯台敢爲悖逆者以有兀良哈爲之羽翼也今阿魯台遠遁而兀良哈尚敢入寇當還師剪之諸將請分兵進擊遂簡步騎二萬分五道以行且授之方略曰兵貴神速所謂迅雷不及掩耳可也諸將頓首受 命 上曰官軍至彼虜必西走朕當以兵

從西要之遂率精騎數萬馳往 命鄭亨王通薛祿將之 庚午 上率師至屈裂見河虜寇數萬餘驅牛馬車輛西奔陷山澤中 上麾騎兵爲左右翼齊進寇望官軍勢盛欲突而走 上率前鋒衝之斬首數百級寇自蹂踐死者相枕籍餘衆散走 上乘高望之見寇復聚乃麾兵繞山出其右又分兵渡河斷其後又麾兵出其左先令甲士持神機弩伏深林中戒曰寇經此則發又 命嚴陣山下以待已而寇盡棄其輜重馳突而左上麾御前騎士與山下兵馳追之寇譙走林間神機弩競發寇大潰死傷不可計數餘寇尚數百人躍馬而走 上曰必有首虜在其中須擊之率騎兵追奔三十



餘里抵其巢穴斬首虜數十人擒其黨伯兒伯克等  
盡收其人口牛羊駝馬焚其輜重兵器暮次豐潤屯諸  
將皆頓首賀 上曰用兵吾豈得已哉諸將曰天道福  
善禍淫 陛下奉天伐罪以保寧兆民豈過舉也 八

月乙酉朔以班師遣書諭 皇太子及頒 詔天下

九月乙卯朔丁巳 車駕度居庸關次龍虎臺饗隨

駕將校北京文武大臣迎見 壬戌昧爽 上乘法駕

入京城躬告天地 宗廟社稷畢 御奉天門朝百官

上表賀平胡 二十一年秋七月虜中來降者言阿魯

台將犯邊 上召諸將 諭曰去秋此寇犯興和朕率

師擒其巢穴復勦其黨兀良哈之衆窮亦甚矣今以朕

既得志必不復出故萌妄念朕當率兵先馳塞外以待

之虜不虞吾兵已出而輕肆妄動我因其勞而擊之破

之必矣諸將皆曰善是日 命柳升陳英將中軍鄭亨

孟瑛張輔李安王通徐亨將左右軍陳懋等將前鋒先

馳攻之 八月宴勞大營五軍諸將因大閱遂發京師

楊榮扈從 甲寅 車駕發宣府次沙嶺 賜諸將內

廐馬 庚申 車駕次萬全兵民有進馬牛豕等物者

命倍時值酬之 九月己卯朔 駐蹕沙城朝鮮國

王李禔遣陪臣崔雲詣軍門奏事令還北京待 命虜

中阿失帖木兒古納台等率其妻子來降言阿魯台今

夏為瓦剌順寧王脫歡等所敗部落潰散無所屬今若

續文獻通考 卷之二百七  
聞天兵復出必病走遠避豈復敢萌南向之意 命賜酒饌衣服且授阿失帖木兒等俱正千戶 冬十月戊申朔陳懋等以韃靼王子及其部屬來降封也先土干為忠勇王 賜名金忠也先土干之來也其甥把台罕實贊之遂授把台罕都督俱 賜冠帶織金襲衣左右皆贊 上功德之盛 上曰昔唐突厥頡利入朝太宗言胡越一家有矜大自得之意朕所不取惟天下之人皆遂其生邊境無慮兵甲不用斯朕志也遣書諭 皇太子以也先土干納款之故遂下 詔班師 車駕發萬全 十一月戊寅朔 車駕次懷來在京諸司遣官迎見 甲申 車駕至京師謁告天地 宗廟社稷畢

御奉天門文武群臣上表賀 賜忠勇王金忠諧券

金印朝服玉帶織金文綺 二十二年春正月戊寅朔壬子同關守將並奏虜寇阿魯台所部侵掠邊境初金忠也先屢言阿魯台數為邊患請發兵討之願為前鋒自效 上曰兵豈可數動朕固厭之矣忠曰雖天地大德無物不容其如邊人荼毒何時可已 上曰卿意甚善但事須有名姑待之是日邊報至 召公侯大臣計之且告以金忠之意群臣奏曰忠言不可拒逆賊不可縱邊患不可坐視用兵之名不得避也惟 上決之 上可其奏即日 勅緣邊諸將整兵以候 三月戊寅大閱 夏四月戊申以 親征胡寇命 皇太子告天地

宗廟社稷遣官祭旗纛山川等神 巳酉 車駕發

北京楊榮金幼孜扈從 癸丑遣太常寺官祭告居庸

山川 車駕度居庸關 庚午 車駕次隰寧 五月

巳亥朔 車駕次威虜鎮 乙卯 車駕次開平 甲

申 上召大臣湯榮金幼孜至幄中 諭之曰朕昨

夕三鼓夢有若世所畫神人者告朕曰上帝好生如是

者再此何祥也豈天屬意此寇部屬乎榮對曰 陛下

好生惡殺誠格于天此舉固在除暴安民然火炎峴岡

玉石俱焚惟 陛下留意 上曰卿言合朕意豈以一

人有罪罰及無辜即 命草 勅遣中官伯力哥及所

獲胡寇齎往虜中 諭其部落曰往者阿魯台窮極歸

朕待之甚厚朕何負於彼而比年以來寇掠不止朕聞

者以天人之意再率師討之如狗將士之志奮雷霆之

威爾等豈復有噍類朕體上帝好生之仁亦猶冀其或

改而自新也今王師之來罪止阿魯台一人其所部頭

目以下悉無所問有能敬順天道輸誠來朝悉待以至

誠優與 恩賚毋懷二三以貽後悔 壬午 車駕次

長樂鎮楊榮金幼孜侍 上曰漢高祖過栢谷慮迫於

人今朕至長樂思與天下同樂何時而庶幾也榮等對

曰 陛下聖志如此天必助順矣 丙申 車駕次清

鎮即元之應昌路是日雨重車皆在後 上諭諸將曰

輜重者六軍所恃以為命兵法無輜重無糧食無委積

紀文獻通考 卷之二百廿  
皆危道曹操所以屈袁紹者先盡其輜重今諸軍皆至  
而重車在後爾等獨不遠慮耶遂 命分兵接之 丁  
酉駐蹕清平鎮 巳亥 車駕次威遠川 六月甲辰  
朔 帝出塞巳久尚未抵賊巢而士卒多艱楊榮金幼  
孜夙夜計慮奏言虜已遠遁遂獲班師之 命 戊午  
車駕次王沙泉 巳未 車駕次龍武岡 庚申  
車駕次天馬峰復行數十里陳懋等遣人奏臣等已至  
谷蘭納木兒河彌望荒塵野草虜隻影不見車轍馬跡  
漫滅疑其遁巳久矣 上遣張輔王通等分兵山谷大  
索仍 命懋及金忠前行覘賊 癸亥 車駕次連秀  
坡陳懋金忠引兵抵白邨山咸無所遇以糧盡還於是

英國公張輔奏願假臣等一月糧率騎深入罪人必得  
上曰今出塞巳久人馬俱勞虜地早寒一旦有風雪  
之變歸途尚遠不可不慮楊榮金幼孜言是卿等且休  
矣 甲子 車駕次翠雲屯召張輔等 諭曰昨夜之  
言朕思之不可易也古王者制夷狄之患驅之而已不  
窮追也且今孽虜所存無幾茫茫廣漠之地譬如求一  
粟於滄海可必得耶吾寧失有罪不欲重勞將士朕志  
定矣遂 命班師 秋七月甲戌朔庚辰 車駕次清  
水源道傍有石崖高數丈 命楊榮金幼孜刻石紀行  
曰使後世知朕親征過此也 丁亥 車駕次翠微岡  
上御幄殿憑几而坐楊榮金幼孜侍 上顧問內侍

海壽曰計程何日至北京對曰八月中可至 上頷之  
既而 諭榮孜曰東宮歷涉年久政務已熟還京後軍  
國事悉付之朕惟優游暮年享安和之福矣榮幼孜對  
曰 殿下孝友仁厚天下屬心允稱 皇上付託 上  
喜顧太監馬雲 賜榮幼孜羊酒 戊子 車駕次雙  
流灤以旋師遣禮部尚書呂震齋書諭 皇太子并  
詔告天下 己丑 車駕次蒼崖戍 上不豫下 令  
大營五軍將士嚴部伍謹哨瞭毋忽 庚寅 車駕次  
榆木川 辛卯上崩

宣宗宣德元年八月漢王高煦反遣親信人枚青等入京  
約舊功臣爲內應青至英國公張輔所輔暮夜執系之以

聞 上親問之悉得其情 中官侯泰齋書與高煦言  
昨護衛餘下枚青來言叙有過朝廷之舉予誠不信  
然慮是小人離間不可不告高煦遣百戶陳剛齋奏言  
仁宗皇帝不當違洪武永樂舊制與文臣 誥勅封  
贈謂 上不當修理南巡席殿斥二三大臣爲奸臣而  
指夏原吉爲首並索誅之 上覽之曰高煦之不臣天  
地 祖宗實監臨之出其奏及書示群臣 命行在兵  
部榜示中外 上將親征高煦 命蹇義楊士奇夏原  
吉楊榮楊溥吳中胡濙張本顧佐協同扈從 辛未以  
高煦之罪告天地 宗廟社稷百神遂 親征是日  
車駕發京師五軍將士以行東南天鳴聲如萬鼓 上

遣書諭高煦曰人言王反朕初不信及得王奏知王志在禍生靈危宗社朕與師問罪非得已也王 太宗皇帝之子 仁宗皇帝之弟朕嗣位以來事以叔父禮不少虧何爲而反耶朕惟張敖失節本之貫高淮南受誅成于伍被自古小人事藩國率因之以自圖富貴而陷其主於不義及事不成則反噬主以圖苟免若此者多矣今朕師已壓境王能悔禍擒所倡謀者來獻朕與王剷除前過恩禮始終善之善者也王如執迷或出兵拒敵或嬰城固守圖僥倖於萬一當率大軍乘之即成擒矣又或麾下以王爲奇貨執以來獻王以何面目見朕雖欲保全不可得也王之轉禍成福一反掌間耳其審

圖之

辛巳昧爽至樂安

駐蹕城北

上念矢石之

下禍及無辜乃遣 諭高煦云今山東都布按三司及衛所府州縣官并爾護衛軍校餘丁民人秦爾反逆朕皆未信及覽陳剛齋至本上証 先帝遂及朕躬爾罪著矣朕以 祖宗付畀之重天下生民大計 親率問罪之師已至城下爾不來朝亦不遣護衛王府官出見是負固不服今以誠心待爾高煦戰則戰不能則詣軍門面陳爾情庶得保全始終如惜終不受 命城破之日悔罔及矣壬午復遣 勅諭之曰前 勅諭爾備矣朕言不再爾其審圖之又以 勅繫矢射城中 諭逆黨以禍福於是城中人多欲執高煦來獻者高煦狼狽

失據密遣人詣 行幄陳奏願寬假今夕與妻子別明  
旦躬赴軍門歸罪 上許之是夜高煦盡取積歲所造  
兵器與凡謀議交通文書燬之城中通夕火光燭天  
壬午駐蹕樂安城南高煦將出叛黨王斌等固止之曰  
寧一戰以死不可為人擒也高煦給斌等復入宮潛從  
間道出為官軍所執以獻文武群臣列奏其罪請正典  
刑 上曰彼固不義 禮訓待親藩自有成法鮮臣復  
言春秋之法大義滅親 上却之但 命以群臣刻  
示之高煦跪言臣罪萬死惟生殺在 皇上遂令高煦  
為書召諸子同歸京師 己酉班師 庚寅駐蹕獻縣  
之單橋戶部尚書陳山迎 駕山言漢趙二王實同心

宜乘今席捲之勢移兵彰德襲執趙王 國家可永無

虞 上召楊榮襄義夏原吉楊士奇謀之義原吉以為

可 上令士奇草 勅士奇執不從遂促還京 九月

辛卯朔甲午 駐蹕新城縣北 丙申 車駕至京師

上御奉天門高煦父子家屬皆至京師行在刑部都

察院大理寺暨文武廷臣劾奏高煦謀危 宗社大逆

不道宜正 國典以為亂臣賊子之戒 上曰國家待

宗藩具有 祖訓朕不敢違 命行在工部築館室於

西安門內處高煦夫婦男女其飲食衣服之奉悉仍舊

無改 上出 御製東征記以示群臣凡書高煦之罪

及 朝廷不得已發兵之故蓋詳備云 三年八月

上御奉天門 召公侯伯五軍都督府 諭之曰胡虜  
每歲秋高馬肥必擾邊比來邊備不審何似東北諸關  
隘皆在畿內今農功將畢朕將親歷諸關督飭兵備卿  
等整齊士馬以俟 命塞義夏原吉楊士奇楊榮胡濙  
王驥施禮吳忠凌宴和楊溥姚文直王文貴等各率其  
職扈從 勅駙馬都尉袁容隆平侯張信尚書張本張  
英郭敦左都御史顧佐等居守 丁未 車駕發京師  
渡潞河即躡虹橋 召諸將 諭曰朕深居九重豈不  
自 止朝夕思念保民故爲此行今日渡河道路所經  
畝不潦之後秋田無獲朕念民艱憫焉於心爾將士敢  
有一毫侵擾民者必殺不赦遂 命錦衣衛遣官巡察

九月庚戌朔

車駕入薊州境內

上覽郊原平遠

山川明秀田疇刈獲之後頗有遺粟滯穗 上甚喜歎

曰使他處皆如此朕何憂焉 駐蹕薊州西之五里文

武官吏耆老朝見 上進其州官 諭之曰此漢漁陽

郡也昔張堪爲政民有樂不可支之論流聞至今古今

人材性不相遠爾曹勉之又進其耆老 諭曰今歲斯

郡獨豐稔無他虞善訓勵子孫務禮義廉耻之行毋安

於溫飽而自棄也衆叩首而退 辛亥 車駕至石門

驛喜峰口守將遣人馳奏兀良哈之寇萬衆侵邊已入

大寧經會州將及寬河 上覽奏曰天遣此寇投死耳

遂 駐蹕石門之東 召問諸將諸將咸請擊之亦有



續文獻通考卷之三百廿  
請益徵兵者 上曰孽虜無能為但謂吾邊無備故敢  
來若知朕在此當驚駭矣今惟擒之勿縱也然此出喜  
峰口路隘且險單騎可行若候諸將並進恐緩事機朕  
以鐵騎三千先進出其不意擒之必矣或言三千未必  
足用 上曰兵在精與和不在多三千精兵足辦擒賊  
諸軍可後進遂決策 親征 乙卯 車駕出喜峰口  
夜軍士皆噤枚歛甲韜戈馳四十里昧爽至寬河距虜  
營二十里虜望我軍以為戍邊之兵即悉衆來戰 上  
命分鐵騎為兩翼夾擊之 上親射其前鋒三人殪之  
兩翼飛矢如雨虜不能勝繼而神機銃疊發虜人馬死  
者大半餘悉潰走 上以數百騎直前虜望見黃龍旗

知 上親在也悉下馬羅拜請降皆生縛之 丙辰斬

其酋渠 駐蹕寬河分 命諸將搜山谷擣虜穴忠勇

王金忠及其甥都督把台奏請自效 上從之有密言

於上曰虜其類也往則不復矣 上曰去留亦任所欲

耳朕為天下顧獨少此二人耶如其志欲去雖朝夕置

於左右亦終去寧能久繫之耶曰如不欲沮其行則遣

一人足矣 上曰朕以誠心待之遣即俱遣留一人乃

使之蓄疑矣朕待此二人甚厚犬馬識養之恩况人

乎彼當有以見報遂遣之 戊午駐蹕會州以重陽節

賜扈從文武官宴并饗將士 上既斬獲虜寇仍遣

將士捕其潰散之黨至是有俘獲還者 上喜大饗又

親製詩歌慰勞之總兵官覃廣奏和寧王阿魯台遣使來朝貢馬已至宣府 命中官王貴馳往宣府勞之忠勇王金忠獲虜寇數十人馬百餘牛羊數百至 上喜 命中官賜之內厨酒饌而飲以大金爵併 賜之都督把台獲虜生口及馬牛羊繼至 賜亦如之 上初命諸將索虜巢穴約畢至則班師至是 召文武大臣 諭曰諸將至者今已六七孟冬 廟享之期不遠 應早旋師群臣有言諸將未至者宜少俟之 廟享之期如迫請 勅一親王代行禮 上曰事 祖宗與待將士孰重孔子言吾不與祭廢不祭有如諸將更五日未至亦可俟耶今朕留將士二萬於此以俟未至都郎

以明日班師遂 命都督任禮太監楊慶等率官軍二

萬留俟諸將畢至則歸 甲子 詔班師 車駕發鐵

將軍店 乙丑駐蹕偏嶺 丙寅 車駕入喜峰關內

庚午駐蹕三河縣在京諸王及文武衙門各遣官進

平胡表至 壬申 駐蹕齊化門 癸酉 車駕至京

師謁告 太廟 皇太后置酒上壽 五年八月 車

駕巡邊 九年九月 上將率師巡邊 命蹇義楊士

奇楊榮胡濙楊溥吳中等扈從 癸未 車駕發京師

丁酉 駐蹕洗馬嶺 庚子回 鑾

英宗正統十四年己巳七月北虜也先大舉入寇大同我兵失利邊塞城堡多陷謄報時至王振勸 駕親征百

宮伏闕上章懇留不從是月十七日丙戌 駕發京師  
命郝王居守英國公張輔成國公朱勇等率官軍及  
私屬共五十餘萬出居庸關過懷來至宣府連日風雨  
人情洶洶聲息愈急駙馬都尉井源等敗報踵至隨  
駕文臣連上章留之振怒悉令掠陣未至大同兵士  
已乏糧僵屍滿路寇亦佯避誘我深入至大同振又欲  
進兵北行朱勇膝行聽命戶部尚書王佐竟日跪伏草  
中惟欽天監正彭德清斥振曰象緯示釐不可復前若  
有踈虞陷 乘輿于草莽誰執其咎學士曹鼐曰臣子  
固不足惜 至上繫天下安危豈可輕進振怒詈之曰  
倘有此亦天命也會暮有黑雲如織罩營雷兩大作人

畜驚懼振惡之會前軍西寧侯宋瑛武進伯朱冕全軍  
覆沒鎮大同中官郭敬密言於振其勢決不可行振始  
有回意明日 班師大同副總兵郭登謂 駕宜從紫  
荆關入庶保無虞振不聽 八月辛酉上至土木 壬  
戌我師敗績 車駕北狩先數日師過鷄鳴山虜追至  
遣朱勇率兵五萬禦之勇無謀冒入鵠兒嶺虜兩翼邀  
阻夾攻殺之殆盡兵部尚書鄺埜請 車駕疾驅入關  
嚴兵爲殿振怒曰爾腐儒安知兵事次日 駕至土木  
日向未晡去懷來城二十里欲入保懷來振以輜重千  
餘輛在後未至留待之遂駐土木虜四面合圍渴極掘  
土深二丈無水虜見我營不行遣使持書通和 召曹

魏草 勅與和遣二通事與虜使偕往振急傳 令移  
營南行未三四里虜復四面攻圍兵士爭先奔走行列  
大亂勢不能止虜騎蹂陣而入奮長刀以砍我兵大呼  
解甲者不殺衆裸袒相蹈籍死蔽野塞川宦侍虎賁矢  
被體如蝟 上與親兵乘馬突圍不得出虜擁以去英  
國公張輔尚書鄺埜王佐學士曹鼐張益而下數百人  
皆死其幸免者踰山墜谷連日饑餓僅得達關騾馬二  
十餘萬并衣甲器械輜重盡爲虜人所得 戊辰報至  
京師大震 皇太后遣使齎黃金珠玉段疋等物詣也  
先營請還 車駕甲戌虜擁 上至大同城下索金幣  
約賂至即歸 駕都督郭登閉關不納 上傳 旨曰

朕與登有姻婭何外朕若此遣人傳奏曰臣奉命守城  
不敢擅啟閉隨侍校尉袁彬以頭觸門大呼於是廣寧  
伯劉安孫祥霍瑄等括公私金銀共萬餘兩出迎 駕  
既獻虜笑不應竟擁 駕去初虜來索賂郭登曰虜給  
我耳莫若以計伐其謀劫其營奪 駕入城此爲上策  
乃謀以壯士七十餘人餉之食令奮前執其弓刀因擁  
駕還召壯士與之盟激以忠義約事成高爵厚賞士  
皆奮躍用命已書券給之會有沮者既淹久虜驕擾而  
去虜擁 上皇道宣府總兵楊洪閉門不出 朝廷聞  
之逮洪繫獄 上既陷虜營也先屢欲謀害一夜忽大  
雷雨震死也先所乘馬虜人由是恐怖益加敬禮錦衣

衛校尉袁彬爲虜所掠得侍 上左右頗知書識字百  
凡謦敏又有哈銘者先隨使臣吳良羈留在虜至是亦  
與彬同侍 駕留虜庭維持調護二人之力居多又有  
衛士沙狐狸者亦隨 上至虜中汲水取薪備極勞苦  
也先問之亦善於應對云 九月朔 上在虜營也先  
遣使來言欲送 上還京師使回以金百兩銀二百兩  
綵段二百疋 賜也先也先復遣使致書辭甚悖慢兵  
部尚書于謙言于 帝曰虜賊不道氣滿志得將有長  
驅深入之勢不可不預爲計邇者各營精銳盡遣隨征  
軍資器械十不存一宜急分遣官四散召募官舍餘丁  
義勇起集附近民夫更替沿河漕運官軍卒其悉隸神  
機等營操練聽用仍令工部齊集物料內外局廠晝夜  
併工成造攻戰器具京師九門宜令都督孫鏜衛穎等  
統領軍士出城守護列營操練以振軍威選給事中御  
史如王竑輩分投巡視勿致踈虞徙郭外居民於城內  
隨地安插毋爲虜所掠通州壩上倉糧不可捐棄以資  
寇宜令在官人員悉請關支准作月糧之數實爲兩得  
帝皆嘉納施行之 冬十月朔 上皇在虜營也先  
以送 上皇還京爲名與可汗脫脫不花入寇紫荆關  
京師戒嚴先是太監喜寧原係胡種及土木之敗降于  
也先盡以中國虛實告之爲彼嚮道奉 上皇自紫荆  
關入敗我師殺指揮韓清等都御史孫祥走死朝野洵

洵人無固志太監金英召廷臣問計侍講徐理自以為通曉天文倡言上占天象京師必不可守必須南遷語瑣瑣不已英叱之令人扶出陳綱復上勤王急務疏其略曰虜勢猖獗非直要求金帛而已未必不欲效金人以汴宋待我也我國家國富兵強固非宋比然求其人如神師道李綱亦未多見乞遴選武臣授以方略俟其深入乃奮擊之及勅邊將勒兵內向邀其歸路設有倡為和議緩於武備且請南遷以圖偷安者即為奸臣宜即加誅以為衆戒帝閱悟命施行之且奇其才即授以浙江追監察御史明日于謙上疏言京師天下根本宗廟社稷陵寢百官萬姓帑藏倉儲咸

在若一動則大勢盡去宋南渡之事可鑒矣太監金英宣言於衆曰有以遷都為言者上必誅之乃出榜曉諭固守之議始決時承平日久城外壩上等處倉場芻粟以數百萬計于謙聞虜迫于關遂分遣五城兵馬司縱火焚之一面奏聞或謂姑待報謙曰寇在目前若少緩彼將據之適以資其糧餉宋時牟駝岡之事可鑒矣衆皆是之虜破紫荆關孫祥走死遂薄京城命于謙石亨等率師出德勝門守禦虜焚長陵獻陵景陵直抵城下連日攻城四散抄掠石亨等與之戰殺傷相當虜知我有備少沮喜寧啖也先遣使來議和索大臣出迎駕衆知其詐以通政司叅議王復為禮部侍

郎中書舍人趙榮爲鴻臚寺卿出朝 上皇復等至虜  
營見 上皇及也先也先謂爾等皆小官可令胡濙王  
直于謙石亨楊善等來復辭歸 上皇諭二人曰彼無  
善意爾等宜急回二人方回而虜復縱騎四面剽掠攻  
城益急石亨折弓厲聲曰宰臣不出計策莫能支矣先  
是陳循等疏請 勅宣府遼東總兵楊洪曹義各選勁  
騎與官軍夾擊至是又請 勅數道 諭回回鞑靼及  
漢人有能擒斬也先來獻者賞萬金封國公復致書與  
司禮太監興安云約誘也先入寇宜乘其孤軍合兵勦  
殺 詔許之所致書爲也先邏卒所獲既而宣府遼東  
兵至我軍大振石亨與其從子彪及管神機營都督范  
廣以飛鎗火箭殺傷甚衆也先宵遁復以 上皇北去  
脫脫不花聞之遂不敢入關亦北遁也先出居庸伯顏  
帖木兒奉 上皇出紫荆關連日雨雪乘馬踏雪而行  
上下艱難遇險則袁彬執控哈銘隨之既入虜境也先  
來見宰馬披刀割肉燎以進云勿憂終當送還食訖辭  
去脫脫不花遣使來獻馬議和 朝廷却之胡濙王直  
言不花也先君臣素不睦宜受其獻以間之從其言使  
人入見 賜衣服酒饌金帛視常年有加釋楊洪于獄  
中使之自劾洪與孫鏗范廣等率兵二萬擊餘虜于涿  
州紫荆等處逐至固安大捷捕虜阿歸等四十八人斬  
首四百八十邀還俘掠人萬計先是郭登欲率所部兵

并糾集忠義入援登乃鞏昌侯郭子興之孫初爲勳衛  
從征麓川有功擢都督僉事協守大同時我師屢屺邊  
陲無完地大同軍士戰沒之餘城門晝閉人心瓦解有  
愛登者謂之曰事已至此奈何登曰天若祚 國家必  
無可憂之事若胡勢莫過吾與此城誓相存亡當不使  
諸君獨死也登雖處危疑而氣益壯吊死問傷親爲裹  
創傅藥晝夜籌慮修城繕兵以圖後舉既而虜侵 京  
師登議率所部并糾集忠義從鴈門入援先以蠟書馳  
奏大略謂胡馬南驅三關失險賊留連內地爲患非輕  
欲悉起各處官軍民壯入護 內廷京兵擊于內臣兵  
擊于外使賊有腹背受敵之虞首尾不救之患且曰忠  
誠切已敢忘報國之心成敗在天不負爲臣之節奏至  
賊已退 優詔褒答焉尚書石璞鎮守宣府都御史沈  
固鎮守大同都督王通守天壽山僉都御史王竑守居  
庸城昌平都御史鄒來學提督京東軍務平江伯陳豫  
守臨清 十一月虜退京城解嚴降 詔撫安天下楊  
洪等班師還京時大臣有奏留邊將守京師者兵科給  
事中葉盛上言今日之事邊關爲急往者獨石馬營不  
棄則六師何以陷土木紫荆白羊不破則虜騎何以薄  
都城即此而觀邊不固則京城雖守不過僅保九門無  
事而已其如 陵寢郊社何其如田野之民荼毒何宜  
急遣固守宣府居庸爲便從之先是土木既敗邊城多



隋宣府困危既而朝議復 召宣府總兵官率兵入衛  
京師人心皇皇或欲遂棄其城衆紛然就道都御史羅  
亨信不可仗劔坐當門拒之下令曰敢有出城者手斬  
之衆始定城中老稚懽呼曰吾屬生矣因設策捍禦督  
將士誓死以守虜知有備不敢攻北門鎖鑰賴以保全  
亨信之力也 上皇北至小黃河蘇武廟老營伯顏帖  
木兒設帳迎 駕進膳上壽虜寇遼東提督都御史王  
翱等嚴兵禦之虜遁去 十二月虜寇甘州提督都御  
史馬昂收斂人畜悉入城堡簡精銳選騎射躬擐甲胃  
出屯山隘以伺之虜聞遁去

景皇帝景泰元年春正月朔 上皇在虜營駕表祝天行

禮也先迎 上皇幸其帳宰馬設宴 上皇書至索大  
臣來迎 命公卿集議廷臣因奏請遣官使北賀節進  
冬衣 上謂必能識 太上皇帝者始可行群臣懼謝  
罪繳納原奏事遂寢北虜入朔州大同守將郭登敗之  
於栲栳山初賊入境登率兵攝其踪行七十里至水頭  
日已暮休兵以覘之夜二鼓東西沙窩賊營自朔州掠  
回登召將士問計或言賊衆我寡莫若全軍而返登曰  
我軍去城已百里若一退避人馬疲倦賊以鐵騎來追  
難以自全即按劍起曰敢言退者斬於是徑薄賊營天  
漸明賊以數百騎迎戰登奮勇率先諸軍繼之呼聲震  
山谷登射中二人手刃一人遂大破其衆追奔四十餘

里至栲栳山斬首虜二百餘奪回被擄人口牛馬弓刀器械以萬計捷聞 賜勅褒美進封定襄伯食祿千一百石與世券 閏正月鎮朔大將軍石亨都督范廣率兵出大同宣府尋 召還 三月虜分道入寇 四月

叛臣喜寧伏誅寧懷二心數教也先擾邊且不欲送上皇還京 上皇深惡之謂不誅寧還京未有期也寧又忌袁彬誘彬出營將殺之 上皇急救之乃免及是

彬與 上皇謀遣寧傳 命入京令軍士高盤與俱密書盤解間令至宣府與總兵官計擒之既至城下宣府叅將楊俊出與寧領書盤抱寧大呼俊從兵遂縛寧至京師誅之自寧既誅虜失其嚮導稍稍厭兵矣大同叅

將許貴請使虜議和不許 五月虜攻代州 六月北

虜使來議和遣禮部左侍郎李實等使虜先是也先以和議不成俾其知樞密院阿剌爲書遣叅政完者脫歡齋番文赴京請和是時韃靼政事皆也先專之其兵最多脫脫不花雖爲可汗兵稍少知院阿剌兵又少衆虜鼎立外親內忌其合兵南侵利多歸也先而弊則均受及欲和耻屈意而陰使阿刺等來言於是禮部會奏虜遣使講迎復當從之明日 帝御文華殿 召文武群臣論曰 朝廷因通和壞事欲與虜絕而卿等累以昏言何也吏部尚書王直頓首對曰 上皇在虜理宜迎復必乞遣使勿使有他日之悔 帝不懌曰當時大位

是卿等要朕為之非出朕心于謙對曰大位已定孰敢有議但答使盡禮紓邊患耳 帝意始釋曰從汝從汝言已即退群臣出太監興安復出傳 旨言爾等固欲答使且言孰可行者孰為文天祥富弼其人耶眾未答王直而發赤厲聲曰豈可如此言今日群臣皆 朝廷人一惟 朝廷是用孰敢有不行者如是言之至再興安語塞既而陞都給事中李實為禮部左侍郎羅綺為大理右少卿充正副以行 勅書既下惟言報禮不及迎復實驚訝詰 內閣白之遇興安被詬曰爾奉黃紙幹事他何與焉實等遂偕虜北行 秋七月朔李實等起行十一日至也先所營失八兒禿之地也先曰你每

來的好我正歡喜料得你每事務成就了若不來呵我每七月十五日人馬到北京也明日引實等見 上皇進紵絲四百疋粳米魚肉煤炭燒酒等物泣下叩頭畢見 上皇所居者皮帳布幃蓆地而寢牛車一輛馬一匹以為移營之具 上皇謂實等曰比先我來非以游畝而出乃為天下生靈計躬率六軍征討迤北不意被留皆王振陳友馬清馬雲所致也及也先實有意送我回被喜寧引路先破紫荆關搶殺人後至小黃河及乾河屢欲送我回俱被喜寧阻住喜寧聞已凌遲處死陳友等不要饒他因問 聖母及 今上安好 上皇泫然淚下既又問舊臣數人又曰在此踰年始見卿等實

曰昔陛下錦衣王食今服食粗陋乃如此因極言王振當日寵之太過以致傾危國家而陛下有蒙塵之禍上皇曰朕未敗時無人肯言此亦朕不能燭姦今悔何及也先宰馬置酒以宴李實實以迎駕之意告也先也先曰大明皇帝勅書內只說講和不曾說接

駕上皇帝留在這裏是一個閒人我還你每我千載之後只圖箇好名你每回去奏知務要差太監一二及大臣三五人來迎我便差人送去如今送去呵忒輕易了你每皇帝復再三言之十四日實等辭上皇歸也先遣其右丞把禿同赴京復遣人同羅綺往大同調回山西大同一帶擾邊人馬七月虜王脫脫不花

普化可汗亦遣其平章皮馬兒黑麻來議和朝廷復

遣右都御史楊善侍郎趙榮使虜報命是月壬子起行甲寅至懷來遇李實亦至丙辰實等至京奏請使臣奉迎不許文武大臣上章懇請遣使亦不許帝問李實也先講和之意虛實如何實對曰臣入番境彼虜人皆忻悅夾道謳歌沿途乳酪勸臣飲之咸願和好蓋因彼處人馬相繼病死又因離家駐邊上日久論其和意似有實情帝曰待楊善回來再定奪八月丁卯楊善等至營也先見善等至甚喜許送上皇還京有平章昂克問有何禮物來迎皇帝善曰太師仁義克順天道敬我君父故送還豈爲財物乎此舉萬代瞻仰若將

財物來後人說太師愛錢了也先曰都御史說的是昂克說不合理我只圖垂名後世耳也先復問善 皇帝回去還做否答曰天位已定難再更換也先曰堯舜當初如何來答曰堯讓位于舜今日兄讓位於弟正與堯舜一般明日善等見 上皇於伯顏帳下見營又明日也先設筵宴請 上皇至其營餞行善等亦待飲也先曰都御史坐 上皇曰太師著坐便坐對曰雖居草野不敢失君臣禮也先顧羨曰中國好禮數又明日伯顏亦設宴與 上皇餞行又各設筵與使臣送行癸酉上皇駕起也先率衆頭目羅拜而別伯顏亦護送之亥日過野狐嶺丙子至萬全右衛演武亭 駐蹕丁

府南城東 駐蹕戊寅仍駐宣府下千戶龔遂榮 詔

獄時 上皇已入塞 朝廷尚以虜情多詐為疑禮部

連日奏議奉迎禮未定遂榮寓書於學士高穀言奉迎當從厚大略謂 上皇之出非游畋無益為 宗社計

耳今都人一聞 駕旋無不喜躍則人心尚未厭 上

皇也今日奉迎禮當從厚 王上當避位懇辭而後受

命乃可不然恐干載史書難洗穀袖其書入朝以示

廷臣曰武夫尚知此禮况儒臣乎王直曰此禮失而求

之野耳胡濙欲封進庶見朝野同情以感動 上心都

御史王文止之陳循見之恚甚言遂榮非分請治其罪

遂下錦衣衛獄尋會赦得釋 己卯 上皇至懷來將

抵居庸禮部始得 旨群臣同禮部議迎復儀注兵部  
總戎議防變方略朝退多官集會議所王文忽厲聲曰  
來孰以為來耶黠虜豈誠真彼不索金帛必索土地有  
許多事在孰以為來耶衆素畏文聞此皆相顧無復有  
言者胡濙獨具儀注送內閣 庚辰 上皇至唐家嶺  
遣使回京 詔諭避位免群臣迎丙戌百官迎於安定  
門 上皇自東安門入 上迎拜 上皇各拜各述授  
受之意惟遜良久乃送 上皇至 南宮陞座群臣就  
見而退 大赦天下劉定之曰 聖朝承平既久釁孽  
潛滋內而姦臣播弄外而驕虜憑陵故已巳中秋之變  
亘古所無然上賴天心默佑 皇圖鞏固振威以遏其

侮厚德以順其化故庚午中秋之回鑿亦亘古所無  
旋乾坤撥亂返正何其神速也哉雖聖神相繼于億萬  
年撫念前事豈不留心于制治保邦之良圖也

王鏊曰 英廟北狩蒙塵虜人悔禍旋奉 駕歸此自  
古之所無也固 國勢之強亦人事有以中其機會是  
時 郕王監國不欲急君邊人謝曰中國有主矣虜人

抱空質而負不義於天下所以汲汲來歸蓋合鄭公孫  
申之謀也 魯成公時晉人執鄭伯公孫申曰我出師以  
圍許為將攻立君者晉必歸君故鄭人圍許  
示晉不急君也晉欒武子曰鄭人立君我執一人焉何  
益不如伐鄭而歸其君以求成於是諸侯伐鄭鄭伯歸

按建文時節義之士相踵視死如歸至正統景泰間未  
五十年也土木之難未聞皎然死節如所謂南朝李侍

紀文獻通考卷之二百廿四 二十九  
郎者豈亦建文末年摧抑大過而士氣不無少挫耶噫  
此士氣之所以當培植也

孝宗弘治十五年五月北虜逼近塞下邊臣告急 上以  
兵事屬中官苗達達謀出兵 親征密言於 上乃  
召劉大夏議之大夏以爲不可 上曰永樂間頻年出  
塞被虜今何不可對曰 皇上聖武固同于 太宗柰  
今將士遠有不逮且當時如淇國公丘福稍違節制數  
萬甲兵俱陷虜地况今之將又在丘福下不若且令各  
邊料敵戰守 上乃悟曰善朕幾爲人所誤事乃寢

武宗正德十四年六月寧王宸濠反下 詔親征 上欲  
假此南遊已而擒濠伏誅詳見巡幸事中

親征祭告儀注

國朝親征祭告天地 宗廟社稷禡祭旗纛所過山川皆  
行祭告師還奏凱獻俘于 廟社以露布 詔天下然  
後論功行賞諸將既受封賞皆具表箋稱謝 類于上  
帝前期擇日祭告天地服武弁乘革輅備六軍以牲犢  
幣帛作樂行三獻之禮 造于 太廟前期擇日 皇  
帝服武弁乘革輅備六軍祭告 太廟每 廟用牲幣  
行三獻之禮其儀皆同時享但凱還則陳俘奏凱於廟  
南門外 宜于大社前期擇日 皇帝服武弁乘革輅  
備六軍以牲犢幣帛作樂行三獻之禮其儀同春秋祭  
社稷之儀但凱還則陳俘奏凱于社北門外 禡祭儀

齋戒 皇帝清齋一日大將陪祭官以下皆清齋一日  
省牲前期二日設 皇帝大次於廟庭之東 皇  
太子次於大次之東 皇帝省牲位於南門外前一日  
導 駕官同太常卿導引 車駕詣大次太常卿奏中  
嚴 皇帝服通天冠絳紗袍太常卿奏外辦導 駕官  
同太常卿導引 皇帝至省牲位執事者各執事廩犧  
令率其屬率牲自東西行過 御前省訖率詣神廚太  
常卿奏請詣神廚導 駕官同太常卿導引 皇帝至  
神廚太常卿奏請視馬鑊請視滌漑遂烹牲導 駕官  
同太常卿導引 皇帝還大次 陳設前一日所司灑  
掃廟之内外執事設軍牙六蠹神案于廟殿中之北置

軍牙神位在東六蠹神位在西設邊十有二于神位之  
東為三行西上豆十有二于神位之西為三行東上簋  
簋各二于籩豆之間簋在東籩在西鉶三登三于籩豆  
之前俎三于登鉶之前香案于俎之前爵站于香案之  
前沙池于爵站之前設酒尊所於廟庭之東幣篚位于  
酒尊之北爵洗位于酒尊之南 御洗位于爵洗之南  
瘞坎位于神位之西北設席於坎位之前上置酒碗五  
事及斟酒器具雄雞五隻以侑酌神設 御位于廟庭  
之南正中北向大將及陪祭官位于 御位之南異等  
重行文東武西皆北向司尊司爵洗司盥洗執爵司幣  
執事各于其位設御史位于香案前左右贊位于御



史之南東西相向傳贊位于贊禮之南 正祭祭日清  
 晨建牙旗六纛于神位之後 奠牲在東 奠在西 太常  
 少卿率執事者各實尊罍籩豆簠簋登釶實幣于篚置  
 于酒尊所置祝版于 神位之右 齋郎舉牲俎入陳于  
 案樂工執事官各服其服入就位陪祭官及諸將官服  
 其服入就位太常卿奏請中嚴 皇帝服武弁服太常  
 卿奏外辨導 駕官同太常卿導引 皇帝自左南門  
 入至位北向立 迎神贊禮唱迎神大樂作贊禮唱請  
 行禮太常卿奏有司謹具請行事太常卿奏鞠躬拜興  
 拜興平身 皇帝鞠躬樂作拜興拜興平身樂止贊禮  
 唱在位官皆再拜傳贊唱鞠躬拜興拜興平身在位

皆再拜傳贊唱鞠躬拜興拜興平身在位官皆鞠躬拜  
 興拜興平身 奠幣行初獻禮贊禮唱奠幣行初獻禮  
 太常卿奏請詣盥洗位導 駕官同太常卿導引 皇  
 帝至盥洗位太常卿奏搢圭 皇帝搢圭太常卿奏盥  
 手司盥者酌水 皇帝盥手太常卿奏悅手司巾者以  
 巾進 皇帝悅手太常卿奏出圭 皇帝出圭太常卿  
 奏請詣爵洗位導 駕官同太常卿導引 皇帝至爵  
 洗位太常卿奏搢圭 皇帝搢圭執爵官以爵進太常  
 卿奏受爵 皇帝受爵司爵洗者酌水太常卿奏滌爵  
 皇帝滌爵司巾者以巾進太常卿奏拭爵 皇帝拭  
 爵太常卿奏以爵授執事者 皇帝以爵授執爵官再

以爵進太常卿奏受爵 皇帝受爵司爵洗者酌水太  
 常卿奏滌爵 皇帝滌爵司巾者以巾進太常卿奏拭  
 爵 皇帝拭爵太常卿奏以爵授執事者 皇帝以爵  
 授執爵官太常卿奏出圭 皇帝出圭太常卿奏請詣  
 酒尊所導 駕官同太常卿道引 皇帝詣酒尊所執  
 爵官捧爵從行至酒尊所太常卿奏搢圭 皇帝搢圭  
 執爵官以爵進太常卿奏受爵 皇帝受爵司尊者舉  
 爵酌醴齊太常卿奏以爵授執事者 皇帝以爵授執  
 爵官執爵官復以爵進太常卿奏受爵 皇帝受爵司  
 尊者酌醴齊太常卿奏以爵授執事者 皇帝以爵授  
 執爵官太常卿奏出圭 皇帝出圭太常卿奏請詣軍  
 牙神位前執爵官捧爵司幣者捧幣前行導 駕官同

太常卿道引 皇帝升廟壇樂作至神位前太常卿奏  
 跪搢圭 皇帝跪搢圭司香官奉香跪進于 皇帝之  
 左太常卿奏上香上香三上香 皇帝上香上香三上  
 香司幣者奉幣跪進于 皇帝之右 皇帝受幣司幣  
 者興還本位太常卿奏奠幣 皇帝奠幣執爵官奉爵  
 跪進于 皇帝之右 皇帝受爵執爵官興還本位太  
 常卿奏祭酒祭酒三祭酒奠爵 皇帝祭酒祭酒三祭  
 酒奠爵太常卿奏出圭 皇帝出圭樂止讀祝官取祝  
 版于神之右跪讀訖興以祝版復置於坵退還位太常  
 卿奏俯伏興拜興拜興平身 皇帝俯伏興樂作拜興

拜興平身樂止太常卿奏請詣六纛神位前導 駕官同太常卿導引 皇帝詣六纛神位前司幣者捧幣執爵官捧爵前行至神位前樂作其上半奠幣祭酒讀祝並如軍牙神位前之儀太常卿奏復位導 駕官同太常卿導引 皇帝復位 亞獻贊禮唱行亞獻禮其儀與初獻同但不奠幣讀祝酒酌醴齊 終獻贊禮唱行終獻禮其儀與亞獻同 飲福 贊禮唱飲福受胙執事者酌福酒減神前胙肉太常卿奏詣飲福位導 駕官同太常卿導引 皇帝至牙纛神位前飲福位北向立太常卿奏鞠躬拜興平身 皇帝鞠躬樂作拜興拜興平身樂止太常卿奏跪播盞 皇帝跪播盞執

事奉福酒跪進于 皇帝之右太常卿奏飲福酒 皇帝受爵祭酒少許飲福酒太常卿奏奠爵 皇帝奠爵訖捧胙官奉胙跪進于 皇帝之右太常卿奏受胙 皇帝受胙以胙授左右左右跪受胙太常卿奏出圭 皇帝出圭太常卿奏俯伏興拜興平身 皇帝俯伏興樂作拜興拜興平身樂止太常卿奏請 復位導 駕官同太常卿導引 皇帝復位 徹豆贊禮唱徹豆樂作掌祭官各徹豆樂止贊禮唱賜胙太常卿奏 皇帝飲福受胙免拜贊禮唱在位陪祭官皆再拜傳贊唱鞠躬拜興拜興平身在位陪祭官皆鞠躬拜興拜興平身 送神贊禮官唱送神太常卿奏鞠躬拜興拜興

平身 皇帝鞠躬樂作拜興拜興平身樂止贊禮唱在位陪祭官皆再拜傳贊唱鞠躬拜興拜興平身在位陪祭官皆鞠躬拜興拜興平身 望燎贊禮唱望燎讀祝官取祝捧幣官取幣掌祭官取饌詣望燎所太常卿奏詣望燎位導 駕官同太常卿導引 皇帝至望燎位贊禮唱可燎東西面各二人以炬燎執事殺雞刺血於酒碗中酌神訖擲鷄於四下燎將半太常卿奏禮畢導 駕官同太常卿導引 皇帝還大次解嚴

祭所過山川儀 皇帝齋戒一日陪祭官及執事官皆齋戒一日前期 命有司具牢饌

嶽鎮海瀆用太牢中牲若行速則用酒脯而已 省牲前期設 皇帝大次於廟庭之東

設 皇帝省牲位於廟南門外前一日導 駕官同引禮官導引 車駕詣大次引禮官奏中嚴 皇帝服通天冠絳紗袍引禮官奏外辦導 駕官同引禮官導引

皇帝至省牲位執事官各執事廩犧令率其屬牽牲自東西行過 御前省訖牽詣神厨引禮官奏請詣神厨導 駕官同引禮官導引 皇帝至神厨引禮官奏

請視鼎鑊請視滌漑訖遂烹牲導 駕官同引禮官導引 皇帝還大次陳設祭前設籩豆各一千神前

豆實鹿鶩 設牲饌于神位之前設香案于牲饌之前設爵拈于香案之前沙池于爵拈之前設酒尊所于廟庭之東西向爵洗於酒尊之南 御洗于爵洗之南設 御位

御洗于爵洗之南設 御位

御洗于爵洗之南設 御位

于廟庭之南北向陪祭官位于 御位之南異位重行  
文東武西北向司幣司尊司爵洗執爵執事各于其位  
設典儀位于廟庭之南東西相向傳贊位于典儀之南  
東西相向 正祭祭日清晨掌祭官率執事官各實酒  
饌脯醢於器實幣於篚置酒尊所置祝版于神位之右  
陳牲于神位之前執事官各服其服入就位陪祭官服  
其服入就位引禮官奏請中嚴 皇帝服武弁引禮官  
奏外辦導 駕官同引禮官導引 皇帝自左南門入  
至位北向立 迎神典儀唱迎神大樂作典儀唱行禮  
引禮官奏有司謹具請行事奏鞠躬拜興拜興平身  
皇帝鞠躬樂作拜興拜興平身樂止典儀唱在位官皆  
再拜傳贊唱鞠躬拜興拜興平身在位官皆鞠躬拜興  
拜興平身 奠幣行酌獻禮典儀唱奠幣行酌獻禮引  
禮官奏詣盥洗位導 駕官同引禮官導引 皇帝至  
盥洗位引禮官奏搢圭 皇帝搢圭引禮官奏盥洗手司  
盥洗者酌水 皇帝盥洗手引禮官奏悅手司巾者以巾  
進 皇帝悅手引禮官奏出圭 皇帝出圭引禮官奏  
請詣爵洗位導 駕官同太常卿導引 皇帝至爵洗  
位引禮官奏搢圭 皇帝搢圭執爵官以爵進引禮官  
奏受爵 皇帝受爵司爵洗者酌水引禮官奏滌爵  
皇帝滌爵司巾者進巾引禮官奏拭爵 皇帝拭爵引  
禮官奏以爵授執爵官 皇帝以爵授執爵官引禮官

奏出圭 皇帝出圭引禮官奏請詣酒尊所導 駕官同引禮官導引 皇帝詣酒尊所執爵官捧爵從行至酒尊所引禮官奏搯圭 皇帝搯圭執爵官以爵進引禮官奏受爵 皇帝受爵司尊者舉釁酌酒引禮官奏以爵受執事者 皇帝以爵授執爵官引禮官奏出圭 皇帝出圭引禮官奏請詣神位前執爵官捧爵司幣者捧幣從行導 駕官同引禮官導引 皇帝至 神位前引禮官奏跪搯圭 皇帝跪搯圭司香官奉香跪進于 皇帝之左引禮官奏上香上香三上香 皇帝上香上香三上香司香官與還本位司幣者以幣跪進于 皇帝之右 皇帝受幣司幣者與還本位引禮官

奏奠幣 皇帝奠幣執爵官奉爵酒跪進于 皇帝之右引禮官奏受爵 皇帝受爵執爵官與還本位引禮官奏祭酒祭酒三祭酒奠爵 皇帝祭酒祭酒三祭酒奠爵引禮官奏出圭 皇帝出圭讀祝官取祝版跪讀于神位之右讀訖以祝版復置于地與還本位引禮官奏俯伏與拜興拜興平身 皇帝俯伏與樂作拜興拜興平身樂止引禮官奏請復位導 駕官同引禮官導引 皇帝復位 飲福典儀唱飲福受胙執事者酌福酒減神前胙肉引禮官奏請飲福位導 駕官同引禮官導引 皇帝至神位前北向立引禮官奏鞠躬拜興拜興平身 皇帝鞠躬樂作拜興拜興平身樂止引禮

續文獻通考 卷之百五  
官奏稍前跪播圭 皇帝稍前跪播圭執事奉福酒跪  
進于 皇帝之右引禮官奏飲福酒 皇帝受爵祭酒  
少許飲福酒引禮官奏奠爵 皇帝奠爵訖捧胙官奉  
胙跪進于 皇帝之右引禮官奏受胙 皇帝受胙以  
胙授左右左右跪受胙引禮官奏出圭 皇帝出圭引  
禮官奏俯伏興拜興平身 皇帝俯伏興樂作拜  
興拜興平身樂止引禮官奏請復位導 駕官同引禮  
官導引 皇帝復位 徹豆興儀唱徹豆樂作掌祭官  
各徹豆樂止興儀唱賜胙引禮官奏 皇帝飲福受胙  
免拜興儀唱陪祭官皆再拜傳贊唱鞠躬拜興平  
身陪祭官皆鞠躬拜興平身 送神興儀唱送神  
引禮官奏鞠躬拜興平身 皇帝鞠躬樂作拜興  
拜興平身樂止興儀唱陪祭官皆再拜傳贊唱鞠躬拜  
興拜興平身 望瘞興儀唱望瘞讀祝官取祝捧幣官  
取幣掌祭官取饌詣瘞所置坎實半土興儀唱可瘞引  
禮官奏禮畢導 駕官同引禮官導引 皇帝還次陪  
祭官以次出

奏捷儀注

凡各處奏捷鴻臚寺於早朝將差來人役引至 御前宣  
讀捷音 隆慶六年令擇吉宣捷至日不奏事次日行  
慶賀禮 萬曆八年定凡大捷於常朝期宣奏捷音是  
日百官各具吉服候宣捷之後鴻臚寺官致詞行五拜

三叩頭禮本日早即遣官薦告 郊廟行翰林院撰文  
太常寺辨祭品中捷以下止宜捷不行祭告慶賀禮

獻俘儀注

穆宗隆慶四年十二月禮部奏是日文武百官具朝服詣

午門前行慶賀禮先一日內官設 御座于 午門

樓前楹正中是日早錦衣衛設儀仗于 午門前 御

道之東西向教坊司陳大樂于 御道南東西相向鴻

臚寺設贊禮二人于 午門前東西相向設文武官侍

立位于樓前 御道南文武西相向及刑部獻俘官

位于 午門前 御道東稍南西向設獻俘將校位于

午門前 御道西稍南北向引禮引文武官東西序

立獻俘將校引俘列于 午門前西邊文武班之後候

候 上常服 御皇極門鐘聲止鴻臚寺跪奏請 上

乘輿樂作至 午門樓 上陞座樂止鳴鞭訖鴻臚寺

官宣奏畢贊獻俘將校引俘至獻俘位北向立定俘跪

于將校之前刑部官詣樓前中道跪奏云具官臣某奏

云某官以某處所俘獻請付所司候 旨傳下刑部官

承 旨訖即同將校押出施行文武百官入班北向立

唱排班班齊致詞官詣中道跪致詞稱賀訖贊鞠躬樂

作五拜三叩頭興平身樂止鴻臚寺官跪奏禮畢樂作

駕輿樂止百官以次退



即持班班齊廷歸宮前中殿親姪歸爵賢諸贊博親  
承 旨旨中同科林時出執齊文左百官人班北向立  
云某官以某氣酒對燭請於西刻 旨對不厭陪官  
于泮林之前厥陪官請對前中殿親奏云具官臣某奏  
官宣奏畢贊燭對泮林作對至燭對立北向立安對親  
乘輿樂齊至 平門對 土劉聖樂土劉辭請獻獻帝  
知 土常服 唯皇對門對蠶土獻獻帝親奏請 土  
立獻對泮林作對於平 平門前西殿文左班之對

續文獻通考卷之一百二十五

皇明進士雲間王圻纂輯

王禮考 田獵

遼

遼制以十二月辰日前期一日詔司獵官選獵地其日皇  
帝皇后焚香拜日畢設圍命獵夫張左右翼司獵官奏  
成列皇帝皇后陞輦敵烈麻都以酒二尊盤殮奉進北  
南院大王以下進馬及衣皇帝降輿祭東山畢乘馬入  
圍中皇太子親王率群臣進酒分兩翼而行皇帝始獲  
兔群臣進酒上壽各賜以酒至中食之次親王大臣各  
進所獲及酒訖賜群臣飲還宮 應曆元年冬漢遣使

來賀自是歲以為常儀統和中罷之

太祖九年十月釣魚于鴨綠江 神冊四年正月射虎東山 天贊三年十月征吐渾等部獵寓樂山獲野獸數千以充軍食 十一月射虎于烏刺邪里山抵霸室山六百餘里且行且獵日有鮮食軍士皆給

太宗天顯三年三月乙卯東蒐癸亥獵殺斃山乙丑獵松山 四月己卯祭鹿鹿神丁亥于獵所縱公私取羽毛革木之材丙申獵三山 五月丙午獵刺索山 四年六月選輕騎數千獵近山 十一月觀漁三义口 七年八月捕鷺于沿柳湖風雨暴至舟覆溺死者六十餘人命存恤其家識以為戒 八年五月獵獨牛山 九年

年正月漁於土河 十年七月獵南赤山 十一年正

月釣魚于土河 會同元年正月獵松山 二年三月

畋于裏潭之側 十二月釣魚于土河 三年三月獵

水門獲白鹿 七月獵猾底烈山 侍中崔窮古言晉

主聞陛下數遊獵意請節之上曰朕之遊畋非徒縱樂

所以練習武事也乃詔諭之 八年七月獵平地松林

穆宗應曆二年九月獵炭山 十一月獵于近郊 三年

二月觀漁于神德湖 七年十月獵于七鷹山 八年

七月獵于樓刺山 十一年四月射不視朝 十二

年秋如黑山赤山射鹿 十三年四月獵于潢河 八

月幸近山呼鹿射之旬有七日而後返 十一月獵飲

于虞人家凡四日 十二月射野鹿賜虞人物有差

十四年五月射舐齟鹿于白鷹山至于浹旬十二月

獵于玉山竟月忘返 八月如磴子嶺呼鹿射之獲鹿

四賜虞人女環等物有差遼法麋岐角者惟天子得射

時秋獵善鹿鳴者呼一麋至命夷獵葛射應弦而踣上

大悅賜金銀名馬及抹真地 十五年二月以獲鴨除

鷹坊刺面腰斬之刑 三月虞人沙刺迭值雁失期加

炮烙鉄梳刑而死 十六年三月庚午獲鴨甲申獲鶯

酣飲達旦 十七年九月自丙戌朔獵于黑山三月

于月終 十八年五月獲鴨于述古水野飲終夜

月獵獲熊又獵于西京諸山 十九年正月如懷州

舊典官為近侍所弒  
史臣曰穆宗荒耽于酒畋獵無厭賞罰無章嗜殺不已  
變起肘腋宜哉

景宗保寧六年七月獵于平地松林 七年十月釣魚土

河 九年十二月獵于近郊 十年南院樞密使兼政

事令郭襲上書諫田獵曰昔唐高祖好獵以蘇世長諫

罷史稱其美伏念聖祖創業艱難修德布政宵旰不懈

穆宗逞無厭之欲不恤國事天下愁怨陛下繼統海內

翕然望中興之治十餘年間征伐未已而寇賊未除年

穀雖登而瘡痍未服正宜戒謹修省以懷未圖側聞恣

意遊畋萬一有銜縻之變搏噬之虞悔將何及况南有

疆敵伺隙而動聞之得無生心乎伏望陛下節從禽酖  
飲之樂為生靈宗社計則有無疆之休上覽而稱善帝  
嘗獵頡山豪猪突駕御者驚避耶律幹獵射而斃之後  
獵赤山角鹿突前垂犯蹕亦賴幹獵以免 乾亨四年  
八月獵于祥古山

聖宗統和元年八月獵赤山遣使薦熊肪鹿脯于慶陵凝  
神殿 十一月觀漁撻馬灤 十二月皇太后觀漁于  
王盆灣辛丑觀漁于濬淵 二年正月朝皇太后太后  
因從觀獵于饒樂川 四年正月觀漁土河 六年十  
二月田于沙河 七年五月獵桑乾河 十一月獵于  
好草嶺 十二月禁止網捕兔 十年十二月獵儒州

東川 十二年十月獵可汗州之東山 十四年正月  
獵于潞河 十一月詔諸軍官毋得非時畋獵妨農  
十五年八月獵平地松林 皇太后誡曰欲不可縱萬  
一有銜櫛之變適貽予憂其深戒之 十九年十一月  
觀漁儒門灤 二十三年十一月觀漁桑乾河 二十  
七年正月釣魚土河獵于瑞鹿原 二十九年秋獵于  
平地松林 開泰二年七月釣魚曲溝 十月畋廐井  
之北 三年正月畋黃河濱壬子帝及皇后獵瑞鹿原  
四年正月戊子命詳穩拔姑濬水瑞鹿原以備春蒐  
丁酉獵馬蘭淀 八月射鹿秋山至于九月復自癸丑  
至辛酉連獵于有栢碎石大保響應松山諸山 五年

五月皇弟南京留守秦晉國王隆慶來朝上親出迎勞  
 于實德山因同獵于松山 七月獵於赤山 六年十  
 月獵鑄子河 太平元年二月獵高柳林 七月賜從  
 獵女直人秋衣是月獵潢河 二年正月如納水釣魚  
 三年正月如納水釣魚 七月獵赤山 四年二月  
 獵捷魯河 五年七月獵平地松林 七年四月獵黑  
 嶺 八年七月獵平地松林

興宗景福元年十一月縱五坊鷹鷂 重熙元年二月大  
 蒐 四年六月獵于黑嶺 五年九月獵黃花山獲熊  
 三十六賞獵人有差 六年四月獵野狐嶺 七年四  
 月獵白馬場 八年七月如混同江觀漁庚戌又漁于

率沒里河 十年九月皇太后射獲熊上進酒為壽  
 亥上獵馬孟山草木蒙密獵者誤射傷人命取律  
 姑各書姓名于矢以志之丙寅以石礮砮太保郭三  
 虎不射免官 十三年正月獵兀魯館岡 十五年九  
 月禁置網捕狐兔 十六年自七月至九月日獵于楚  
 不溝石塔諸山 十七年閏正月射虎于侯里吉時有  
 虎奮怒左右辟易陳昭衮捉虎兩耳騎之伺便拔刀殺  
 虎 十八年正月獵霸特山 十九年七月獵侯里吉  
 二十一年十月射虎于南撒葛栢 二十三年正月  
 獵雙子淀又獵盤直坡 四月獵合口忽里 九月獵  
 遇三虎縱犬獲之 二十四年八月以疾大漸縱五坊

鷹鵠焚釣魚之具

道宗清寧二年四月詔曰方夏長養鳥獸孳育之時不得

縱火于郊 四年正月如鴨子河釣魚 七月獵于黑

嶺 五年十一月禁獵 七年四月禁吏民畜海東青

鵠 咸雍元年七月以皇太后射獲熊賞賚百官有差

十月幸醫巫閭山以皇太后射獲虎大宴群臣令各

賦詩 二年正月御安流殿釣魚 四年正月獵炭山

七年獵黑嶺 六年七月獵于合魯搆持 十二月

禁漢人捕獵 七年八月以置佛骨于招仙浮圖罷獵

禁屠殺 八年閏七月射熊于殺羊山 九年七月獵

大熊山 大康元年二月以獲鷺加鷹坊使耶律撈不

為工部尚書 七月獵平地松林 二年八月獵于秋

山遇麇矢其母憫之不射 五年三月以宰相耶律仁

傑得頭鷺加侍中 七月獵夾山 六年四月獵炭山

七月獵沙嶺 九年七月獵馬尾山 九月射熊于

白石山 大安二年七月獵沙嶺 三年七月獵黑山

越日以大雨罷獵 四年十月獵遼水之濱 五年四

月獵北山 七年八月以霖雨罷獵 八年四月獵西

山 七月獵沙嶺 九年四月獵西山 十年七月獵

赤山 壽隆元年七月獵沙嶺 三年七月獵黑嶺

四年四月以雨罷獵

天祚帝乾統二年六月以雨罷獵 七月獵黑嶺時以獵

人多亡嚴立科禁 四年正月獵木嶺 七月獵南山  
五年四月射虎炭山 六年獵鹿角山 七年正月  
釣魚于鴨子河 十月獵醫巫閭山 八年七月以雨  
罷釣 九年七月獵于候里吉 八月雪罷釣 天慶  
三年正月獵狗牙山大寒獵人多死 五年七月獵于  
特禮嶺東 五年七月獵秋山 七年七月獵秋山  
八月獵彼斯那里山 九月獵于山 八年七月獵秋  
山 九年七月獵南山 十年秋獵沙嶺 保大元年  
七月獵炭山  
遼之春獵或于鴨子河或于延芳淀至時侍衛皆服墨  
綠色衣各備連鎗鷹食刺鴉錐于河樂周圍相去各五

七步排立皇帝冠巾衣時服繫玉束帶于上風型有鷺  
之處舉旗探騎馳報鳴鼓驚鷺左右皆舉幟麾之皇帝  
親放海東青鷺搏鷺鷺墜恐鷺力不勝在列者急舉鎗  
刺鷺取其腦飼鷺救鷺人例賞銀絹皇帝得頭鷺薦廟  
群臣各獻酒果舉樂更相酬酢致賀語皆插鷺毛于首  
以為樂賜從人酒遍散其毛戈獵網釣春盡乃還

金

太祖收國元年三月獵于寒晦城 九月獵于近郊  
熙宗皇統二年正月獵于來流沙 十二月獵于核耶吳  
米路 四年九月畋于沙河射虎獲之 十一月獵于  
海島三日之間親射五虎獲之 九年十一月獵于忽

刺温渾山 時右諫議大夫程案上疏畧曰殿前點檢  
司古殿巖環衛之士所以肅禁禦尊天子備不虞也臣  
幸得近清光從天子觀時田之禮比見陛下校獵凡羽  
衛從臣無貴賤皆得執弓矢馳逐而聖駕崎嶇沙磧之  
地加之秋木叢鬱易以迷失是日自卯及申百官始出  
沙漠獨不知車駕何在瞻望久之始有騎來報皇帝從  
數騎已至行在竊惟天子出入警蹕清道而行至于楚  
由雲夢漢獵長楊皆大陳兵衛以備非常陛下膺祖宗  
付託之重奈何獨與數騎出入林麓沙漠之中前無斥  
堠後無羽衛甚非肅禁禦意也臣願陛下熟計之後若  
復獵當預戒有司圖上獵地具其可否然

而行擇衝要稍平之地為駐蹕之所簡忠義牙爪之士  
統以親信腹心之臣警衛左右俟麋鹿既來然後馳射  
仍先遣搜閱林藪明立幟幟為出入之馳道不然後恐  
貽宗廟社稷之憂帝嘉納之

海陵天德三年正月上出獵宰相以下辭于近郊上駐馬  
戒曰朕不惜高爵厚祿以任汝等比聞事多留滯豈汝  
等苟圖目前不以民事自念耶朕將察勤惰以為賞罰  
其各勉之十二月獵于近郊 四年五月獵于立列只  
山賜獵士人一羊 八月獵于途儻山 貞元元年八  
月禁中都路捕射麋鹿 二年九月獵于近郊乙亥復  
獵于近郊 三年九月獵于流沙河親射麋以奉梓宮



十一月獵于近郊 正隆四年十月獵于近郊 六年正月詔自中都至河南府所過州縣調從獵騎士二千 二月禁扈從縱獵擾民 六月次溫湯獵奔鹿突至墮馬嘔血數日

世宗大定三年八月勅殿前都點校唐括德溫重九出獵 謂國朝舊俗從人甚寡今扈從軍二千不無擾民可嚴為約束仍以錢萬貫分賜之 九月獵于近郊 十月十二月如之以所獲薦山陵自是歲以為常 四年二月獵于高陽之北 十月獵于密陽縣 十一月冬獵 十二月獵于近郊 五年九月秋獵 十二月獵于近郊 六年六月自西京獵于銀山 八月獵于望雲

之南山 八月七月獵三义口諭點檢司曰沿路禾稼甚佳其扈從人少有蹂踐則當汝罪 九年三月尚書省定網捕禽獸法或至徒上曰以禽獸之故而抵民以法是重禽獸而輕民命也自今有犯可杖而釋之 十年七月獵于柳河川放圍場役夫詔扈從糧食並從官給又勅扈從人縱畜牧蹂踐禾稼者杖之仍賞其直 十一年十二月冬獵 十二年十一月獵于近郊 二十二年十二月獵于近郊 二十五年五月平章政事完顏襄奉御平山等射懷孕兔杖平山三十召襄戒勅之遂下詔禁射兔 六月獵近山見田隴不治命答田者 二十五年十月禁上京等路大雪及含胎時採捕

十一月詔豹未祭獸不許採捕冬月尺雪以上不許用網及速撒海 時薛王府掾梁襄諫田獵疏畧曰陛下神武善騎射舉世莫及銜檠之變猛犛之虞姑置勿論設于行獵之際烈風暴至塵埃漲天宿霧四塞跬步不辨以致翠華有殺陵之避襄城之迷百官狼狽于道途衛士叅錯于隊伍當此之時宸衷寧無戒悔臣又聞陛下于合圍之際麋鹿充牣圍中壯而大者纔取數十以奉宗廟餘皆縱之不欲多殺是陛下恩及于禽獸而未及隨駕困斃之臣庶也議者謂前世守文之主生長深宮畏見風日彎弧上馬皆所不能志氣銷懦筋力拘柔臨陣戰懼束手就亡陛下監其如此不憚勤身遠幸

金蓮至于松漠名爲坐夏打圍實欲服勞講武臣愚以爲戰不可忘獵不可廢宴安鳩毒不可懷然事貴適中不可過當今過防驕惰之患先蹈萬有一危之途何異無病而服藥也况欲習武不必度關涿易雄保順薊之境地廣又平且在邦域之中獵田以時誰曰不可伏乞陛下發如綸之音回北轅之轍塞鷄鳴之路安處中都不復北幸宗社無疆之休天下莫大之願也世宗則嘉納罷之 二十九年九月章宗七即位獵于近郊監察御史焦旭劾奏太傅克寧右丞相襄不應請車駕田獵上曰此小事不須治之 十二月諭有司女直人及百姓不得用網捕野物亦不得放群鷗枉害物命亦恐女直人

廢射也

革宗明昌元年正月制諸王任外路許遊獵五日過此禁之仍令戒約人從毋擾民 二月遣諭諸王出獵毋越本境 二年二月許猛安謀克戶于冬月率所屬戶田獵二次每出不過十日 丁酉獵于近郊 三年十二月獵于近郊 五年六月如冰井獵登胡土白山酌酒再拜曹王永陞以下進酒 七月獵于豁赤火一發貫雙鹿是日獲鹿二百二十二賜扈從官有差 辛巳次魯溫合失不是日上親射獲黃羊四百七十一 承安三年十二月獵于酸棗林大風寒罷獵凍死者五百人 泰和元年正月以方春禁殺舍胎兔

宣宗貞祐三年九月以秋稼未獲禁軍官圍獵 元光元

年十月獵于近郊詔免百官迎送且勿治道以勞百姓

元

太宗五年秋八月獵于必兀思地以阿同葛等克宜差勘事官 九年丁酉春獵于揭揭察哈之澤 冬十月獵于野馬川幸龍庭遂至太祖行宮

憲宗四年甲寅春帝獵于怯蹇义罕夏幸月兒城怯之地冬大獵于也城于哈里义海之地忽烈還自大理入覲於獵所 七年五月皇子阿速帶因獵獨騎傷民稼帝見讓之遂撻近侍數人士卒有拔民葱者即斬以徇由是秋毫不敢犯

世祖至元十年詔自今秋獵鹿豕薦太廟 十七年畋近郊每歲如之

成宗大德元年畋于柳林 三年畋于鄴州

武宗至大三年八月甲子獵于昂兀腦兒之地

仁宗皇慶元年詔曰今歲不登民何以堪春蒐其勿令供億是年五月禁諸王毋得以農時出獵擾民至十月方許獵

英宗至治元年三月帝畋于柳林 三年二月帝畋于柳林

泰定帝泰定二年正月以畿甸不登罷春畋 三年八月次中都畋于注火察禿之地 致和元年春正月帝將

畋柳林御史王獻等以歲饑進諫帝曰其禁衛士毋擾民家御史二人巡察之

順帝至元元年春正月帝將畋于柳林御史臺臣諫曰陛下春秋鼎盛宜思付托之重致天下于隆平況今赤縣之民供給繁勞農務方興而馳騁冰雪之地倘有銜廩之變柰輟社稷何遂止 三年春正月帝獵于柳林凡三十五日監察御史丑的宋紹明進諫帝嘉納之贈以金幣丑的等固辭帝曰昔魏徵諫唐太宗未嘗不賞汝其受之 是年七月車駕出獵 四年二月庚午帝畋于柳林

皇明

英宗天順二年十月 上校獵南苑苑在京城南二十里  
方一百六十里苑中有按鷹臺臺旁有三海皆元之舊  
也 本朝闢四門繚以周垣獐鹿雉兔甚多海戶千餘  
守視自末樂定都以來歲時蒐獵于此亦所以訓武也  
是日 上親御弓矢 命勲戚武將應 詔馳射獲輒  
獻之既畢 賜酒饌以所獲分 賜從臣而歸  
武宗正德十二年春正月 上獵于南海子

續文獻通考卷之一百二十五終

續文獻通考卷之一百二十六

皇明進士雲間王圻纂輯

王禮考 君臣章服

遼

遼初時轉居薦草之間去邃古之風猶未遠也太祖仲父  
述瀾以遙輦氏于越之官占居潢河沃壤始置城邑為  
樹藝桑麻組織之教太祖帝北方太宗制中國紫銀之  
鼠羅綺之筐檐載而至織麗與毳被土綢木於是定衣  
冠之制比從國南從漢各因其便云  
祭服 遼以祭山為大禮服飾尤重大祀皇帝服金文  
金冠白綾袍紅帶懸魚三山紅垂飾犀玉刀錯絡縫烏

靴 小祀皇帝硬帽紅冠絲龜文袍皇后戴紅帕服絡  
縫紅袍懸玉珮雙同心帕絡縫烏靴 臣僚命婦服飾  
各從本部旗幟之色

朝服 皇帝服實里薛袞冠絡縫紅袍垂飾犀玉帶錯  
絡縫靴謂之國服袞冕太祖即位朝服袞甲以脩非常  
其後行瑟瑟禮大射柳即此服太宗更以錦袍金帶

臣僚戴檀冠金花爲飾或加珠玉翠毛額後垂金花織  
成夾帶中貯髮一總或紗冠制如烏紗帽無簷不襯雙  
耳額前綴金花上結紫帶末綴珠服紫窄袍繫鞞鞞帶  
以黃紅色條裹革爲之用金玉水晶璇石綴飾爲之盤  
紫太宗更以錦袍金帶會同元年群臣高年有爵秩者

皆賜之聖宗統和元年冊承天皇太后給三品以上用  
漢法服三品以下用大射柳之服

公服 皇帝紫皂幅巾紫窄袍玉束帶或衣紅襖謂之  
展褻著紫臣僚亦幅巾紫衣與宗重熙二十二年詔八  
房族巾幘道宗清寧元年詔非勳戚之後及夷離重副  
使并承應有職事人不帶巾

常服 宰相中謝儀帶常服高麗使入見儀臣僚更衣  
謂之盤裹綠花窄袍綠中單多紅綠色貴者披貂裘以  
紫色黑色爲貴青次之及有銀鼠尤絮白賤者貂毛羊  
鼠沙狐裘

田獵服 皇帝幅巾環甲戎裝以貂鼠或鵝頂鴨頭爲

扞腰番漢諸司使衣皆左袵黑綠色

以上皆遼人本國服也自大同元年正月朔遼太宗入  
晉備法駕受文武百官賀于汴京崇先殿自是以爲常  
而北歸後唐晉文物遼皆用之蓋所謂用夏變夷其庶  
幾焉此史官所以脩書于冊也今以所用漢服敘于後  
祭服 衮冕祭祀宗廟遣上將出征飲至加元服納后  
元日受朝則用之金飾垂白珠十二旒以組爲纓色如  
其綬鞋纊充耳玉簪導玄衣纁裳十二章八章在衣日  
月星龍華虫火山宗彝四章在裳藻粉米黼黻衣襟領  
爲昇龍織成文各爲六等龍山以下每章一行十一白  
紗中單黼領青襟襪襦黻章帶大帶劍佩綬易白

元日朝會儀皇帝服衮冕

朝服 乾亨五年聖宗冊承天皇后給三品以上法服  
侍中就席解劍脫履重熙五年尊號冊禮皇帝服龍衮  
北南臣僚並朝服蓋遼制會同中太后北面臣僚國服  
皇帝南面臣僚漢服乾亨以後大禮雖北面三品以上  
亦用漢服重熙以後大禮並漢服常朝仍遵會同之制  
皇帝通天冠諸祭還及冬至朔日受朝臨軒拜王公元  
會冬會服之冠加金博山附蟬十二首施朱翠黑介幘  
髮纓翠綉玉若犀簪導絳紗袍白紗中單襟領朱襪裾  
白裙襦絳蔽膝白假帶方心曲領其帶革佩劍綬鞞烏  
若未加元服則雙童髻空頂黑介幘雙玉導加寶飾

元日上壽儀皇帝服通天冠絳袍 皇太子遠遊冠謁

廟還宮元日冬至朔日入朝服之三梁冠加金附蟬九

首施珠翠黑介幘髮纓翠綬黑介幘白紗中單

皂領襍襪白裙襦白假帶方心曲領絳紗蔽膝其革

帶劍佩綬襪烏與上同後改用白襪黑烏未冠則雙童

髻空頂黑介幘雙玉導加寶飾 冊皇太子儀皇太子

冠遠遊服絳紗袍 親王遠遊冠陪祭朝享拜表大事

則服之冠三梁加金附蟬黑介幘青綬導絳紗單衣白

紗中單皂領襪白裙襦革帶鈎釧假帶曲領方心絳

紗蔽膝襪烏佩劍綬二品以上同 諸王遠遊冠三梁

黑介幘青綬 三品以上進賢冠三梁寶飾 五品以

上進賢冠二梁金飾 九品以上進賢冠一梁無飾

七品以上去劍佩綬 八品以下同公服

按遼自皇帝至九品朝服之別如此然二品以上而同

于皇太子豈所以重主器哉

公服 皇帝翼善冠朔視朝用之赭黃袍九環帶白練

裙六合鞞 皇太子遠遊冠五日常朝元日冬至受朝

服絳紗單衣白裙襦革帶金鈎釧假帶方心粉鞞囊白

襪烏皮鞋 一品以下五品以上冠幘纓簪導去粉鞞

囊餘並同此

常服 遼謂之穿執起居禮臣僚穿執言穿靴執笏也

皇帝赭黃袍衫折上頭巾九環帶六合靴非元日冬至



受朝及大祭祀皆用常服 皇太子進德冠九琪金飾  
絳紗单衣白裙襦白襪烏皮鞋 五品以上幘頭亦曰  
折上巾紫袍牙笏金玉帶文官佩手巾篋袋刀子礪石  
金魚袋武官鞞七事佩刀刀子礪石契苾真噉厥計  
筒大石袋烏皮六合靴 六品以下幘頭緋衣木笏銀  
帶銀魚袋佩鞞同 八品九品幘頭綠袍鍮石帶鞞同  
聖宗開泰七年十一月禁服用明金鏤金貼金 太平五  
年二月禁天下服用金及金線

道宗清寧元年詔夷離董及副使之族并民庶不得服馳  
尼水獺裘及褊兔腸鞍鞞佩子不許用犀玉骨突犀惟  
大將軍不禁 十年十一月以定更民衣服之制 咸雍

四年十二月詳馳尼水獺裘之禁 太康三年四月禁  
士庶服用錦綺日月山龍之文

金

熙宗天眷三年有司以車駕將幸燕京合用通天冠絳紗  
袍等據見闕名件依式成造禮服袍裳方巾曲領中单  
蔽膝革帶大帶玉具劍綬佩舄襪乘輿服大綬六綵黑  
黃赤白縹綠小綬三色同大綬間施三玉環大綬五百  
首小綬半之白玉雙佩革帶玉鈎鞞  
冕制 天板長一尺六寸廣八寸前高八寸五分後高  
九寸五分身圍一尺八寸三分并納言並用青羅為表  
紅羅為裏周圍用金稜天板下有四柱四面玕珠網結

子花素墜子前後珠旒共二十四旒各長一尺二寸青  
碧線織成天河帶一長一尺二寸濶二寸兩頭各有珠  
珠金碧旒三節玉滴子節花紅線組帶二上有真珠金  
翠旒玉滴子節花下有金鐸子二枚紅線欵幔帶一鞋  
纒二直珠垂繫上用金萐子二簪窠欵幔組帶鈿窠四  
並王鏤塵碾造王簪一頂方二寸導長一尺二寸簪頂  
刻鏤塵雲龍

袞 用青羅夾製五采間金繪畫正面日一月一昇龍  
四山十二上下襟華蟲火各六對虎雉各六對背面星  
一昇龍四山十二華蟲火各十二對虎雉各六對中單  
一白羅單製羅領標襪裳一帶標襪紅羅八幅夾製纒

藻三十一粉十六米十六黼三十二黻三十一蔽膝一  
帶標襪並紅羅夾製纒昇龍二綬一幅大綬以赤黃黑  
白綠標六綠綵織紅羅托裏小綬三色同大綬銷金黃  
羅綬頭上施間三玉環皆刻雲龍大綬五百首小綬半  
之紺白大帶一銷金黃羅帶頭鈿窠二十四紅羅勒帛  
一青羅抹帶一玉珮二白玉上中下璜各一半月各二  
皆刻雲龍玉滴子各二皆以真珠穿製金篋鈎獸面水  
葉環釘涼帶一紅羅裏鏤金上有玉鸞七銜尾束各一  
金攀龍口以玳瑁板襯釘脚舄重底紅羅面白綾托裏  
如意頭銷金黃羅緣口玉鼻仁飾以朱韞用緋羅加錦  
凡大祭祀加尊號受冊寶則服衮冕行幸齋戒出宮或

御正殿則通天冠絳紗袍

視朝之服 初太宗即位始服赭黃自後視百官朝御袍帶章宗即位以世宗之喪有司請御純吉不從乃服淡黃袍烏犀帶常朝則服小帽紅欄偏帶或束帶

皇太子冠服 冕用白珠九旒紅絲組爲纓青纒充耳犀簪導衮青衣朱裳五章在文山龍華蟲火宗彛四章在裳藻粉米黼黻白紗中帶配縹襪裙革帶金銀鈎釧蔽膝隨裳色爲火山二章以雲雙佩四采織成大綬間施玉環三白襪朱舄舄加累塗銀釧謁廟則服

遠遊冠 十八梁金塗銀飾博山附蟬紅絲組爲纓犀簪導朱明服紅裳白紗中單方心曲領絳紗蔽膝白襪黑舄餘同衮冕冊寶則服

服飾貴于得中而名亦不可不正天子之冠古稱曰冕而後世有平天通天之名義亦允當乃若太子之冠稱曰遠遊何義哉夫太子雖有撫軍監國之任而當其齒于胄子之時惟習乎禮樂詩書之教謹乎問安視膳之節使德成于恭敬溫文而無忝于元良之望斯可矣遊且不宜况于遠遊乎此名蓋起于魏晉之間而後世承襲不以爲過殆非可同于鯢魚邪蒿之禁者也

臣下朝服 天眷二年三月命百官詳定儀制四月命百官朝參用朝服凡導駕及行大禮文武百官皆服之正一品貂蟬籠巾七梁額花冠貂鼠立筆銀立筆犀簪

續文獻通考 卷之三百三十一  
導佩劍緋羅大袖緋羅蔽膝各一緋白羅大帶天下樂  
暈錦玉環綬一白羅方心曲領白紗中單銀褐勒帛各  
一玉珠珮二金塗銀革帶烏皮履白綾幘正二品七梁  
冠銀立筆犀簪導不佩劍緋羅大袖雜花暈錦玉環綬  
餘並同正四品五梁冠銀立筆犀簪白獅錦銀環綬珠  
珮銀革帶御史中丞則獬豸冠青荷蓮綬餘並同正五  
品四梁冠簇四金雕錦銅環綬銀珠佩餘並同正六品  
至七品三梁冠黃獅錦銅環綬銀珠佩銅束帶餘並同  
大定二十二年裕享攝官導駕二品冠七梁三品四品  
冠六梁服有金花五品冠五梁六品冠四梁七品冠三  
梁監察御史獬豸冠青綬八品九品冠二梁餘製並同

祭服 皇統七年太常寺言太廟成後奉安神主裕享  
行禮凡行事執事助祭陪位準古典當服衮冕九章畫  
降龍隨品各有等差通典云虞夏殷並十二章日月星  
辰山龍華虫作繪于衣宗彞藻火粉米黼黻飾繡于裳  
周升三辰于旂登龍于山登火于宗彞作九章之服山  
龍華虫火宗彞繪于衣藻粉米黼黻繡于裳公之服自  
衮冕而下如王之服侯伯之服自鷩冕而下如公之服  
又後魏帝服衮冕與祭者皆朝服又開元禮一品服九  
章又五禮新儀正一品服九旒冕犀簪青衣畫降龍今  
沐京舊禮直官言自宣和二年以後一品祭服七旒冕  
大袖無龍唐雖服九章服當時司禮少常伯孫茂道言

諸臣之章雖殊然飾龍名衮尊卑相亂請三公服鷩冕  
八章為宜臣等竊謂歷代衣服之制不同若從後魏則  
止服朝服或用宋服則為七章若遵唐九章則有飾龍  
名衮尊卑相亂之議尚書省乃奏用後魏故事止用燕  
京大冊禮時所服朝服以祭大定三年八月詔遵皇統  
制攝官則朝服散官則公服以皇太子為亞獻服衮冕  
十四年用唐制若祭遇雨雪則服常服謂今之公服也  
泰和元年八月禮官言祭服所以接神朝服所以事君  
雖歷代損益不同然未嘗不有分別是以衮冕十二旒  
玄衣纁裳 十二章天子之祭服也通天冠絳紗袍紅  
羅裳天子之視朝服也臣下之服則用青衣朱裳以祭

朱衣朱裳以朝國朝惟天子備冠冕通天冠三等之服  
今群臣但有朝服而祭服尚缺每有祀事但以朝服從  
事實于典禮未當請依漢唐故事祭服冕旒畫章然君  
臣冕服雖章數各殊而俱飾龍名衮唐孫茂道已有尊  
卑相亂之論今三公法服有龍恐傷于僭國初禮官亦  
嘗駁議乞參酌古今改置祭服其冠則如朝冠而但去  
其貂蟬立筆其服用青衣朱裳白襪朱履非攝事者則  
用朝服庶幾少有差別上曰朝祭之服固宜分也  
公服 大定官制文資五品以上官服紫三師三公親  
王宰相一品官服大獨科花羅徑不過五寸執政官服  
小獨科花羅徑不過三寸二品三品散塔花羅謂無枝

葉者徑不過寸半四品五品服小雜花羅謂花頭碎小者徑不過一寸六品七品服緋芝蔴羅八品九品服綠無紋羅一應武官皆服紫凡散官職事皆從一高上得兼下下不得僭上窄紫亦同服色各依官制品格其諸局分承應人並服無紋素羅十五年制曰袍不加襪非古也遂命文資官公服皆加襪

帶 皇太子王帶佩玉雙魚袋親王王帶佩玉魚一品王帶佩金魚二品笏頭毬文金帶佩金魚三品四品荔枝或御仙花金帶並佩金魚五品服紫者紅鞵烏犀帶佩金魚服緋者紅鞵烏犀帶佩銀魚服綠者並皂鞵烏犀帶武官一品二品佩帶同三品四品金帶五品六品

其從秋山之服則以熊鹿爲文其長中骭取便于騎也  
吐鵲王爲上金次之犀象骨角又次之鍔周鞋小者間  
置于前大者施于後左右有雙錠尾納方束中其刻琢  
多如春水秋山之飾左佩牌石佩刀刀貴鑕柄尚雞舌  
木黃黑相半有黑雙距者爲上或三事五事室飾以醬  
辦樺釧口飾以鮫或屑金鍮和漆塗鮫隙而確平之醬  
辦樺者謂樺皮斑文色殷紫如醬中豆辦也產其國故  
尚之初女直人不得改爲漢姓及學南人裝束遠者杖  
八十編爲永制婦人服襜裙多以黑紫上編繡金枝花  
周身六辦積上衣謂之團衫用紫黑或皂及緝直領左  
衽逢掖兩旁復爲雙辦積前拂地後曳地尺餘帶色用

紅黃前雙垂至下齊年老者以皂紗籠髻如巾狀散綴玉鈿于上謂之玉逍遙此乃遼服也金亦襲之許嫁之女則服綽子製如婦人服以紅或銀褐明金爲之對襟衫領前齊拂地後曳五寸餘

書袋制 大定十六年世宗以吏員之服與士民無別潛入民間受賕鬻獄有司不能檢察遂定懸書袋之制省樞密院令譯史用紫紵絲爲之臺六部宗正統軍司檢察司以黑斜皮爲之寺監隨朝諸局并州縣並黃皮爲之各長七寸闊二寸厚半寸並於束帶上懸帶公退則懸于便服違者所司糾之

世宗大定七年六月命地衣龍文者罷之 七月禁服用

金線其織賣者皆抵罪 十二年正月禁百官及承應人不得服純黃油衣 十三年十一月吏部尚書梁肅請禁奴婢服羅綺上曰近已禁服明金行之以漸可也且教化之行當自貴近始朕宮中服御常自節約舊服明金者已減大半矣近民間風俗比正隆時聞稍淳儉卿等當更務儉素使民知所從效也 時太常寺擬士人及僧尼道女冠有師號并閒官八品以上許服花紗綾羅絲紬在官承應有出身人帶八品以下官未帶官亦同許服花紗綾羅紵絲絲紬家屬同婦人許用珠爲首飾其都孔目與八品閒官同京府州縣司吏皆與庶人同庶人止許服絲紬絹布毛褐花紗無文素羅絲綿



續文獻通考 卷之二百三十一  
其頭巾繫腰領帕許用芝蔴羅縵用絨織成者不得以金玉犀象諸寶瑪瑙玻璃之類爲器皿及裝飾刀把鞘并銀裝釘床榻之類婦人首飾不許用珠翠鈿子等物翠毛除許裝飾花環冠子餘外並禁兵卒許服無紋壓縲羅紬絹布毛褐奴婢止許服純紬絹布毛褐娼優遇迎接公筵承應許暫服繪畫之服其私服與庶人同十五年九月詔親王百官從人所服紅紫改爲黑紫二十年四月制宗室及外戚并一品命婦衣服聽用明金 二十五年五月命尚書省奏事衣窄紫

章宗明昌時上謂宰臣曰今風俗侈靡莫若律以制度使貴賤有等其令禮部具典故以聞他日又謂參知政事

張萬公曰山東風俗如何萬公對以奢左丞守貞因言衣服之制上曰如卿所言正恐失人心耳守貞曰止是商賈有不悅者萬公曰乞寬與之期三年之內當如制于是上以禮部所擬太繁命尚書省再擬行之 六年七月制文武官六貫石以上承應人并及廕者許用牙領紫圓板皂條羅帶皂靴上得兼下條籍書生止服白衫領繫背帶並以紫圓條羅帶皂靴餘人用純紫領不得用緣雜色圓板條羅帶不得用紫靴用黃及黑油皂蠟等婦人各從便泰和四年以親王品官既分領緣而復有皂靴之禁似涉太煩遂聽親王用銀褐領紫緣品官皆紫領白緣餘同明昌制

元

元初立國庶事草創冠服並從舊俗世祖混一天下近取金宋遠法漢唐上而天子冕服皇太子之冠服天子之質孫下而有百官祭服朝服與百官之質孫以及於士庶人之服色秩然有序

世祖至元三年初製太常禮樂工冠服 六年製太常寺祭服 十月定朝儀服色 七年禁緇段織日月龍虎及以龍犀飾馬鞍

仁宗延祐元年詔定官員士庶衣服車輿制度 職官除龍鳳文外一品二品渾金花三品服金卷子四品五品服雲袖帶襪六品七品服六花八品九品服四花職事

散官從一高 繫腰五品以下許用銀并減鐵提控案牘府州都吏目典吏等檀褐羅窄衫烏犀束帶 諸職官致仕與見任同解降者依應得品級不敘者與庶人同 父祖有官既歿年深非犯除名不敘之限其命婦及子孫與見任同 內外有出考滿應入流見役人負服用與九品同授各投下令旨鈞旨有印信見任勾當人負亦與九品同 蒙古及見當怯薛人等不在禁限惟不許服龍鳳文 龍謂五爪二角者

凡服色等第上得兼下下不得僭上違者職官解見任期年後降一等叙餘人決五十七下違禁之物付告捉人充賞有司究治不嚴從監察御史廉訪司究治御賜

之物不在禁限

英宗至治元年禁服色踰制

天子冕服 制以漆紗上覆白縹青衣朱裏縹之四周  
匝以雲龍冠之口圍縹以珍珠縹之前後旒各十二以  
珍珠為之縹之左右繫黹纁二繫以玄統承以玉瑱纁  
色黃絡以珠冠之周圍珠雲龍網結通翠柳調珠縹上  
橫天河帶一左右至地珠鈿窠網結翠柳珠絲組二屬  
諸笄為纓絡以翠柳調珠簪以玉為之橫貫于冠

衮龍服 制以青羅飾以生色銷金帝星一日一月一  
昇龍四複身龍四山四十八火四十八華蟲四十八虎  
雌四十八

制以緋羅其狀如裙飾以文繡凡十六行每行藻  
二粉米二黼二黻二

中單 制以白紗絳綠黃勒帛副之

蔽膝 制以緋羅有標緋絹為裏其形如檐袍上着之  
繡複身龍

玉佩 珩一琚一瑀一衝牙一璜二衝牙以繫璜珩下  
有銀獸面塗以黃金雙璜夾之次又有衝下有衝牙傍  
別施雙的以鳴用玉

大帶 制以緋白二色羅合縫為之

玉環綬 制以納石失金錦上有小玉環下有青絲織  
網

紅羅鞞 制以紅羅為之高勒

履 制以納石失有雙耳二帶鈎飾以珠鞞制以紅綾  
右按大常集禮至元十二年十一月博士議擬冕天版  
長一尺六寸廣八寸前高八寸五分後高九寸五分身  
圍一尺八寸三分并納言青羅為表紅羅為裏周圍緣  
以黃金天版下四面珠網結子花素墜子前後共二十  
有四旒以珍珠為之青碧線織天河帶二頭各有珍珠  
金翠旒三節玉滴子節花全紅線組帶二上有珍珠金  
翠旒玉滴子下有金鐸二梅紅繡款幔帶一氈纈二珍  
珠垂繫上用金華子二簪窠款幔組帶鈎窠各二內組  
帶窠四並鏤玉為之王簪一頂面鏤雲龍袞衣用青羅

次制五采間金繪日月星辰山龍華蟲宗彝正面目一  
月一升龍四山十二上下襟華蟲火各六對虎雉各六對  
背星一升龍四山十二華蟲火十二對虎雉各六對中  
單用白羅單製羅領標襪裳一帶標襪全紅羅八幅夾  
造上繡藻粉米黼黻藻三十二粉米十六黼三十二黻  
三十二蔽膝一帶標紅羅夾追八幅上繡升龍二綬一  
幅六采織造紅羅托裏小綬三色同大綬銷金黃羅綬  
頭全上間施三玉環並碾雲龍緋白大帶一銷金黃帶  
帶頭鈎窠二十有四紅羅勒帛一青羅抹帶一佩二玉  
上中下璜各一半月各二並碾玉為雲龍文玉滴子各  
二並珍珠穿造金篋鈎獸面水葉環釘金涼帶一紅羅

裏鏤金為之上為王鷲七捷尾束各一金攀龍口玳瑁  
襯釘鳥一重底紅羅面白綾托裏如意頭銷金黃羅緣  
口玉鼻組飾以珍珠金緋羅錦襪一鞞 大德十一年  
九月博士議唐制天子衮冕垂白珠十有二旒以組為  
纓色如其綬黹纒文耳玉簪導玄衣纁裳凡十二章八  
章在衣日月星辰山龍華蟲火宗彝四章在裳藻粉米  
黼黻標領為升龍皆織成之龍章以下每章一行每行  
十二白紗中單黼領青襪標裙黻加龍山火三章冕  
以上火山二章纁冕白一章玄冕無章革帶大帶玉佩  
綬襪與上同鳥加金飾享廟謁廟及朝遣上將征還飲  
至踐祚加元服納后元日受朝及臨軒冊拜王公則服

之又宋制天子服冕廣尺二寸長四寸前後十有二旒  
二纒並貫珍珠又有珠旒十二碧鳳啣之在纒外冕板  
以龍鱗錦表上綴玉為七星傍施琥珀餅犀各二十四  
周綴金絲網鈿以珍珠雜寶玉加紫雲白鶴錦裏四柱  
飾以七寶紅綾裏金飾玉簪導紅絲條組帶亦謂之平  
天冠衮服青色日月星山龍雉虎雌七章紅裙藻火粉  
米黼黻五章紅蔽膝升龍二並織成間以雲彩飾以金  
釵花鈿窠裝以珍珠琥珀雜寶玉紅羅襦裙纁五章青  
標襪裙六采綬一小綬三結三玉環三素大帶朱裏青  
羅四紳帶二纁四紳盤結白帶中單青羅袿帶紅羅勒  
帛鹿盧玉具劔玉纁首縷白玉雙佩金飾貫珍珠金龍

續文獻通考 卷之三百三十一 十七 徐  
鳳革帶紅襪赤烏金釵花四神玉鼻祭天地宗廟受冊  
尊號元日受朝冊皇太子則服之事未果行至英宗朝  
命有司製如其式

皇太子冠服 衮冕 玄衣 纁裳 中單 蔽膝

玉佩 大綬 朱鞮 赤舄

按太常集禮至元十二年博士擬衮冕制用白珠九旒  
紅絲組為纓青纁充耳犀簪導青衣朱裳九章五章在  
衣山龍華蟲火宗彛四章在裳藻粉米黼黻白紗中單  
青標襪裾革帶塗金銀鈎鑿蔽膝隨裳色火山二章瑜  
玉雙佩四采織成大綬間施玉環三白鞮朱舄加金塗  
銀鈿 大德十一年九月詔擬前代服制 唐制皇太子

子衮冕垂白珠九旒紅絲組為纓青纁充耳犀簪導玄  
衣纁裳九章五章在衣龍山華蟲火宗彛四章在裳藻  
粉米黼黻織成之每行一章黼黻重以為等每行九白  
紗中單黼領青標襪裾革帶金鈎鑿大帶蔽膝隨裳色  
火山二章玉具劍金寶飾玉纁首瑜玉雙佩朱組帶大  
綬四采赤白纁紺純朱質長丈八尺首廣九寸小雙綬  
長二尺六寸色同大綬而首半之間施玉環三朱鞮赤  
舄加金飾侍從祭祀及謁廟加元服納妃服之 宋制  
皇太子衮冕垂白珠九旒紅絲組為纓青纁充耳犀簪  
導青衣朱裳九章五章在衣山龍華蟲火宗彛四章在  
裳藻粉米黼黻白紗中單青標襪裾革帶塗金銀鈎鑿

蔽膝隨裳衣火山二章瑜玉雙佩四采織成大綬間施  
玉環三白鞞朱鳥加塗金銀飾加元服從祀受冊謁廟  
朝會服之已擬其制未果造

質孫 漢言一色服也內庭大宴則服之冬夏之服不

同然無定制凡勳戚大臣近侍賜則服之下至樂工衛  
士習有其服精粗之制上下之別雖不同總謂之質孫

天子質孫 冬之服凡十有一等服納石失怯綿里聃

也則冠金錦暖帽服大紅桃紅紫綠寶里寶里服之則有襪者也

冠七寶重頂冠服紅黃粉皮則冠紅金荅子暖帽服白

粉皮則冠白金荅子暖帽鼠銀鼠皮則冠銀鼠暖帽其

上並加銀鼠比肩夏之服凡十有五等服荅納都納石

失則冠寶頂金鳳鉞笠服速不都納石失則冠珠子捲

雲冠服納石失則帽亦如之服大紅珠寶里紅毛子荅

納則冠珠緣邊鉞笠服白毛子金絲寶里則冠白藤寶

貝帽服馳褐毛子則帽亦如之服大紅綠藍銀褐棗褐

金繡龍五色羅則冠金鳳頂笠笠各隨其服之色服金

龍青羅則冠金鳳頂漆紗冠服珠子褐七寶珠龍荅子

則冠黃牙忽寶貝珠子帶後簷帽速夫金絲關子

則冠七寶漆紗帶後簷帽速夫金絲關子

百官質孫 冬之服凡九等大納石失一大紅怯綿里

一大紅官素一桃紅藍綠官素各一紫黃鴉青各一夏

之服凡十有四等素納石失一聚線寶里納石失一棗

緇文獻通考卷之三百一十一  
一  
褐渾金間絲蛤珠一大紅官素帶寶里一大紅明珠谷  
子一桃紅藍綠銀褐各一高麗鴉青雲袖羅一馳褐茜  
紅白毛子各一鴉青官素帶寶里

百官公服之制 制以羅大袖盤領俱右衽一品紫大  
獨科花徑五寸二品小獨科花徑三寸三品散荅花徑  
二寸無枝葉四品五品小雜花徑一寸五分六品七品  
緋羅小雜花徑一寸八品九品綠羅無文 幘頭漆紗  
爲之展其角 笏制以牙上員下方或以銀杏木爲之  
偏帶正從一品以玉或花或素二品以花犀三品四  
品以黃金爲荔枝五品以下烏犀並八勝 鞞用朱革  
鞞以皂皮爲之

祭服 初憲宗十五年秋八月祭于日月山用冕服自  
此始成宗大德六年春正月祭于麗正門外丙地命  
獻官以下諸執事各具公服行禮是時大都未有郊壇  
大禮用公服自此始九年冬至祭享用冠服依宗廟見  
用者製其後節次祭祀或合祀天地增配位從祀獻攝  
職事續置冠服于法物庫收掌法物二百九十有九公  
服二百八十窄紫二百九十有五至大間太常博士李  
之紹王天祐疏陳親祀冕無旒服大裘而加袞裘以黑  
羊皮爲之臣下從祀冠服歷代所尚其製不同集議得  
依宗廟見用冠服制度

三獻官及司徒大禮使祭服 籠巾貂蟬冠五青羅服



五領袖襪俱紅羅裙五皂綾紅羅蔽膝五羅花樣白紗

中單五黃綾紅組金綬紳五各佩玉象笏五銀束帶五

玉佩五白羅方心曲領五赤革履五對白綾鞞五對

助奠以下諸執事官冠服 貂蟬冠獬豸冠七梁冠六

梁冠五梁冠四梁冠三梁冠二梁冠二百青羅服二百

領袖襪俱紅綾裙二百皂綾紅綾蔽膝二百紫羅公服

二百用梅白紗中單二百黃綾織金綬紳二百銅束帶

二百紅一百九十八青白羅方心曲領二百銅佩二百

展角幘頭二百塗金荔枝帶三十烏角帶一百七十皂

鞞二百對赤革履二百對白綾鞞二百對象笏三十銀

杏木笏一百七十

凡獻官諸執事行禮俱依法服惟監祭御史二冠獬豸服青綬凡迎香讀祝及祀日遇陰雨俱衣紫羅公服六品以下皆得借紫

都監庫祠祭局儀鸞局神厨局頭目長行人等冠服交

角幘頭五十窄袖紫羅服五十塗金束帶五十皂鞞五

十

社稷祭服 青羅袍一百二十三白紗中單一百二十

三紅梅花羅裙一百二十三藍織錦銅環綬紳二紅織

錦銅環綬紳一百一十七紅織錦玉環綬紳四紅梅花

羅蔽膝一百二十三革履一百二十三白綾鞞一百二

十三白羅方心曲領一百二十三黃綾帶一百二十三

佩一百二十三銅珩璜者一百一十九玉珩璜者四藍  
素紵絲帶一百二十三銀帶四銅帶一百一十九冠一  
百二十三水角簪金梁冠一百七紗冠一十獬豸冠二  
籠巾紗冠四木笏一百二十三紫羅公服一百三十三  
黑漆幘頭一百二十三展角金二色羅插領一百二十  
三鍍金銅荔枝帶一十角帶一百一十三象笏一十三  
枝木笏一百一十枝黃絹單包複一百二十三紫紵絲  
抹口青氈襪一百二十三皂鞞一百二十三窄紫羅衫  
三十黑漆幘頭三十銅束帶三十黃絹單包複三十皂  
鞞三十紫紵絲抹口青氈襪三十

宣聖廟祭服獻官法服七梁冠三鍍鴉青袍三絨的

紳三并銅環二方心曲領三藍纁帶三銅佩三紅羅裙三白  
絹中單三紅羅蔽漆三革履三白絹襪全執事儒服軟巾唐  
巾白欄插領黃鞞角帶皂鞞各九十有八 曲阜祭服  
連蟬冠四十有三七梁冠三五梁冠三十有六三梁冠  
四皂紵絲鞋三十有六鞞舒角幘頭二軟角唐巾四十  
角簪四十有三冠纓四十有三副象牙笏七木笏三十  
有八玉珮七凡十有銅佩三十有六凡七十帶八十有  
五藍鞞帶七紅鞞帶三十有六烏角帶二黃鞞帶烏角  
偏帶四十大紅金綬結帶七土用玉環青羅大袖夾衣  
七紫羅公服二褐羅大袖衣三十有六白羅衫四十白  
絹中單三十有六白紗中單七大紅羅夾蔽膝七大紅

夾裳緋紅羅夾蔽膝三十有六緋紅夾裳四黃羅夾裳三十有六黃羅大帶七白羅方心曲領七紅羅綬帶七黃絹大帶三十有六皂鞞白羊毳襪各四十有二對大紅羅鞋七鞞白絹夾襪四十有三鞞

儀衛服色 交角幞頭其制巾後交折其角 鳳翅幞

頭制如唐巾兩角上曲而作雲頭兩旁覆以兩金鳳翅

學士帽如唐巾兩角如匙頭下垂 唐巾制如幞頭

而擗其角兩角上作雲頭 控鶴幞頭制如交角金鏤

其額 花花幞頭制如控鶴幞頭兩角及額上簇象生

雜花 錦帽制以漆紗後幅兩旁前拱而高中下後蓋

連錢錦前額作聚文 平巾幘黑漆革為之形如

冠之籠巾或以青或以白 武弁制以皮加漆 甲騎

冠制以皮加黑漆雌黃為緣 抹額制以緋羅繡寶花

巾制以絕五色畫寶相花 兜鍪制以皮金塗五色

各隨其甲 觀甲制如雲扇青錦質緣以白錦裏以氈

裏以白絹 雲肩制如四垂雲青綠黃羅五色嵌金為

之 襴襜制如衫 襯袍制用緋錦武士所以褻襴襜

士卒袍制以絹絕繪寶相花 窄袖袍制以羅或絕

繡線襖制如窄袖衫腰作繡線細摺 控鶴襖制以

青緋二色錦圓蒼寶相花 窄袖襖長行與士所服緋

緞色 樂工襖制以緋錦明珠琵琶窄袖細摺 甲覆

膊掩心扞背扞股制以皮或為虎文獅子文或施金鎧

鎖子文 臂鞬制以錦綠絹為裏有雙帶錦騰蛇束麻  
 長一丈一尺裏以紅錦 束帶紅鞞雙獺尾黃金銅胯  
 餘同腰帶而狹小 條環制以銅黃金塗之 汗騰制  
 以青錦緣以銀褐錦或繡撲獸間以雲氣 行膝以絹  
 為之 鞋制以麻 鞞鞋制以皮為履而長其鞞縛于  
 行膝之內 雲頭鞞制以皮幫嵌雲莖頭作雲象鞞束  
 于脛

庶人服色 除不得服赭黃惟許服暗花紵絨綾羅  
 毛毳帽笠不許飾用金玉鞞不得裁制花樣 諸色目  
 人除行營帳外餘並與庶人同 諸樂藝人等服與庶  
 人同凡承應粧扮之物不拘其例 皂隸公使人惟許

服絀絹 此係延祐元年禁例

官民帽簷或圓或前負後方其髮或辮或打紗練惟庶  
 民推髻服用渾金線為鈞石失或腰線綉通神欄上下  
 均服

草木子曰紗帽圓領唐服也仕者用之中笠欄衫宋服  
 也中環襪領金服也帽子繫腰元服也庶民用之

后妃命婦以下首飾服章制度

宋理宗紹定三年出封樁庫緡錢二十萬製皇后禕衣  
 金皇后冠服 花珠冠用盛子一青羅表青絹襯金紅羅  
 托裏用九龍四鳳前面大龍銜穗毬一朶前後有珠花  
 各十有二及鴻鵠孔雀雲鶴王母隊仙人浮動插瓣等

續文獻通考 卷之百三十六  
後有納言上有金蟬鑲金兩博鬢以上並用鋪翠滴粉  
鏤金裝珍珠結製下有金圈口上用七寶鈿窠後有金  
鈿窠二穿紅羅鋪金款幔帶一

禕衣 深青羅織成暈翟之形素質十二等領標襖並  
紅羅織成雲龍中單以素青紗製領織成罽形十二標  
袖襖織成雲龍並織紅縠造裳八副深青羅織成習文  
六等標襖織成紅羅雲龍明金帶腰蔽膝深青羅織成  
翟文三等領緣緞色羅織成雲龍明金帶大綬一長五  
尺闊一尺黃赤白黑縹綠六彩織成小綬三色同大綬  
間七寶鈿窠施三玉環上碾雲龍摺金線織成大小綬  
頭紅羅花襯大帶青羅朱履絨其外上以朱錦下以

錦紐約用青組摺金線織成帶頭玉佩二朶上中下璜  
各一半月墜子各二並玉碾鏤金打鈸獸面篋鈎佩子  
各一水葉子真珠穿綴青衣革帶用鏤金青羅裏造上  
用金打鈸水地龍鰲眼鈍尾龍口攀束子共八事以玳  
瑁襯金釘脚抹帶二紅羅青羅各一並明金造各長一  
丈五寸爲以青羅製白綾裏如意頭明金黃羅準上用  
玉鼻仁真珠裝綴繫帶襪青羅表裏綴繫帶

犀冠減撥花樣鏤金裝造上有玉簪一下玳瑁盤一  
宗室及外戚并一品命婦衣服 聽用明金世宗二十  
年制期親雖別籍女子出嫁並同又五品以上官毋妻  
許披霞帔惟首飾霞帔領袖腰帶許用明金龍金間金

之類其衣服止用明銀象金及金條壓繡正班局分承  
應帶官人雖未出職係班其祖母及母妻子孫之婦同  
籍兄弟之妻及在室女孫姊妹並同又禁私家用純黃  
帳幕陳設若曾經宣賜鸞輿服御日月雲肩龍文黃服  
五箇鞞眼之鞍皆須載之

元后妃及大臣之正室皆帶姑姑衣大袍其次即帶皮帽  
姑姑高圍二尺許用紅色羅

命婦衣服一品至三品服渾金四品服金峇子六品以  
下惟服銷金并紗金紗峇子

首飾一品至三品許用金珠寶玉四品五品用金玉珍  
珠六品以下用金惟耳環用珠玉同籍不限親疎期親  
雖別籍并出嫁同

庶人許用翠花并金釵各一事惟耳環用金珠碧鈿  
並用銀 娼家出入止服皂褶子亦不得乘坐車馬

皇明

天子祭 天地 宗廟及正旦冬至 聖節服袞冕 袞

冕十二章 冕版廣一尺二寸長二尺四寸冠上 覆

玄表朱裏前後各十二旒旒五采玉珠十二玉簪導朱

纓 圭長一尺二寸 玄衣纁裳衣六章織日月星辰

山龍華蟲藻六章織宗彝藻火粉米黼黻 中單以素

紗爲之 紅羅蔽膝上廣一尺下廣二尺長三尺織火

龍山三章 革帶佩玉長二尺三寸 大帶素表朱裏

兩邊用緣上以朱錦下以綠錦 大綬六采用黃白赤

玄纁綠織成純玄質五百首 小綬三色同大綬間織  
三玉環 朱襪赤舄 大明集禮載祭祀稷先農 冊  
拜皆服衮冕

朔望視朝降 詔降香進表四夷朝貢朝覲服皮弁服  
其皮弁用烏紗冒之前後各十二縫每縫中綴五采  
五十二以為飾玉簪導紅組纓其服絳紗衣蔽膝隨衣  
色白玉佩革帶玉

天子常服 烏紗折角向上巾盤領窄袖袍束帶間用  
全玉琥珀透犀

謁 廟朝會服禮服 冠為圓匡冒以翡翠

以九龍四鳳大花十二樹小花如大花之數兩博

箇翠雲二十四片翠月桂葉一十八片翠口圈一副上  
帶抹金銀寶鈿花八箇抹金銀翟二箇口嚙珠結子二  
箇 七品霞帔褶子與八品同 八品九品霞帔用繡  
纏枝花墜子與七品同褶子繡枝團花 洪武五年定  
命婦團衫之制以紅羅為之繡重雉為等第一品九等  
二品八等三品七等四品六等五品五等六品四等七  
品三等其餘不用繡雉 二十四年定命婦冠服公侯  
伯與一品同大袖衫用真紅色一品至五品紵絲綾羅  
隨用六品至九品綾羅紬絹隨用霞帔褶子皆用深青  
段匹公侯及一品至二品金繡雲霞翟文三品四品金  
繡雲霞孔雀文五品繡雲霞鴛鴦文六品七品繡雲霞

練鵲文 命婦入內朝見 君后在家見舅姑并夫及  
 祭祀則服之 大袖衫領闊三寸兩領直下一尺間綴  
 紐子之前身長四尺一寸二分後身長五尺一寸內九  
 釵與分行則摺起末綴紐子二紐在掩紐之下拜則放  
 品三長三尺二寸二分根闊一尺口闊三尺五分落摺  
 一尺一寸五分掩紐二就用衫料連尖長二寸七分闊  
 二寸五分各于領下一尺六寸九分處綴之于掩下各  
 綴紅門一以紐住摺起後身之餘者兜子亦用衫料兩  
 塊斜裁上尖下平連尖長一尺六寸三分每塊下平處  
 帶闊一尺五分縫合于領下一尺七分處綴之上綴尖  
 皆縫合以藏霞帔後垂之末者霞帔二條各長五尺七

袞冕九章

冕九旒旒九玉金簪導紅組纓兩玉瑱

圭長九寸五分

玄衣纁裳衣五章織山龍華蟲宗彝

火裳四章織藻粉米黼黻

白紗中單黼領

蔽膝隨

裳色織火山二章

革帶金鈎鑿玉佩

綬五采用赤

白玄纁綠織成純赤質三百三十首小綬三色同大綬

間織三玉環

大帶白表朱裏上緣以綠

白襪赤舄

大明集禮載

皇太子從祭祀稷及受

冊納妃皆

服前袞冕

皇太子朔望朝降

詔降香進表四夷朝貢朝覲服皮

弁服

皮弁用烏紗冒之前後各九縫每縫中綴五采

王九金簪朱纓玉圭絳紗袍紅裳素白中單蔽膝隨裳



色玉佩大帶大綬襪舄

皇太子常服 洪武元年定常服烏紗折上巾

東宮妃受冊助祭朝會服禮服 冠飾以九翬四鳳花

釵九樹小花如大花之數兩博鬢九鈿翟衣青質繡翟

編次于衣及裳重為九等青紗中單黼領朱紱襪襪裙

蔽膝隨裳色以緞為領緣加文繡重雉為章二等大帶

隨衣色青襪舄佩綬

東宮妃常服 犀冠刻以花鳳首飾釧鐲用金玉珠寶

翠諸色團領衫金繡鸞鳳惟不用黃帶用金玉犀燕居

則服之

親王助祭謁 廟正旦冬至等朝賀服衮冕 衮冕九

章 冕五采玉珠九旒紅組纓青纓文正金簪導 圭

長九寸二分五厘 青衣纁裳衣五章織山龍華蟲

宗彛裳四章織藻粉米黼黻 白紗中單黼領青緣

蔽膝隨裳色織火山二章 革帶金鈎釶佩玉 綬五

采赤白玄纁綠織成純赤質三百二十首小綬三色同

大綬間織三玉環 大帶表裏白羅朱綠緣 白襪朱

履 受冊納妃亦服衮冕

親王朔望朝降 詔降香進表四夷朝貢朝覲服皮弁

服皮弁用烏紗冒之前後各九縫中綴五采玉九金簪

朱纓玉圭絳紗袍紅裳素紗中單蔽膝隨裳色玉佩大

帶大綬襪舄

親王妃受冊助祭朝會服禮服 公主同 冠飾以九  
翬四鳳花釵九樹小花如大花之數兩傳鬢九鈿翟衣  
青質五色九等繡翟編次于衣及裳素紗中單黼領朱  
縠襖襪裾蔽膝隨裳色以緞為領緣繡翟為章二等文  
帶隨衣色玉革帶青襪烏佩綬

親王妃公主常服 犀冠刻以花鳳首飾釧鐲用金玉  
珠寶翠諸色團領衫金繡花鳳惟不用黃帶用金玉犀  
燕居則服之

世子遇 聖節 千秋節正旦冬至進賀表箋及父王  
生日諸節慶賀皆服衮冕 衮冕七章 冕三采玉珠  
七旒紅組纓青纒充耳金簪導 圭長九寸 青衣繡

裳衣三章織華蟲火宗彙裳四章織藻粉米黼黻 素  
紗中單青領襪赤韍 革帶佩白玉玄組綬 綬紫質  
用紫黃赤三采織成間織三白玉環白襪赤舄

世子皮弁服 皮弁烏紗冒之前後各八縫每縫中綬  
三采玉八金簪朱纓玉圭絳紗袍紅裳素紗中單蔽膝  
隨裳色玉佩大帶大綬襪舄

世子妃冠服 珠翠七翟冠大彩霞帔用大紅金繡雲  
鳳文金墜頭簪子鞠衣金繡雲鳳文大帶用青羅或  
紅玉縠圭玉革帶玉綬花玉佩青羅襪青紵絲描金雲  
鳳鳥上加珠六顆

郡王冠服衮冕 衮冕五章 冕三采玉珠七旒紅組

纓青纊充耳金簪導 圭長九寸 青衣纊裳衣三章  
織粉米藻宗彛裳二章織黼黻素紗中單青領標襪裾  
玉佩綬間織二玉環襪舄

郡王皮弁服 皮弁用烏紗冒之前後各七縫每縫中  
綴五采玉七金簪朱纓玉圭紅裳素紗中單蔽膝隨裳  
色玉佩大帶大綬襪舄

郡王妃冠服 郡主同 珠翠七翟冠大衫霞帔用大  
紅金繡雲翟文金墜頭褶子鞠衣金繡雲翟文大帶用  
青羅或用紅玉縠圭玉革帶玉綬花玉佩青羅襪青紵  
絲描金雲翟鳥上加珠六顆

長子冠服 朝服 七梁冠大紅素羅衣白素紗中單  
履鞋  
大紅素羅裳及蔽膝大紅素羅白素紗二色夾帶玉朝  
帶丹礬紅花錦錦雞綬玉佩象牙笏白絹襪皂皮雲頭

長子公服 皂皴紗幘頭大紅素紵絲衣玉革帶

長子常服 烏紗帽大紅紵絲織金獅子開襟圓領玉  
束帶皂皮銅線靴

長子夫人冠服 珠翠五翟冠大紅紵絲大衫深青紵  
絲金繡翟雞褶子青羅金繡翟雞霞帔金墜頭

鎮國將軍冠服與長子同 鎮國將軍夫人冠服與長  
子夫人同 輔國將軍冠服與鎮國將軍同惟冠六梁  
帶用犀 輔國將軍夫人冠服與鎮國將軍夫人同惟

冠用四翟抹金銀墜頭 奉國將軍冠服與輔國將軍同惟冠五梁帶用金釵花常服太紅織金虎豹 奉國將軍淑人冠服與輔國將軍夫人同惟翟子霞帔金繡孔雀文 鎮國中尉冠服與奉國將軍同惟冠四梁帶用素金佩用藥玉 鎮國中尉恭人冠服與奉國將軍淑人同 輔國中尉冠服與鎮國中尉同惟冠三梁帶用銀釵花綬用盤雕公服用深青素羅常服紅織金熊羆 輔國中尉宜人冠服與鎮國中尉恭人同惟冠用三翟翟子霞帔金繡鴛鴦文銀墜頭 奉國中尉冠服與輔國中尉同惟冠二梁帶用素銀綬用練鵲幘頭黑漆常服紅織金彪 奉國中尉安人冠服與輔國中尉

宜人同惟大衫用丹縵紅翟子霞帔金繡練鵲文 縣主冠服珠翠五翟冠大紅紵絲大衫深青紵絲金繡孔雀翟子青羅金繡孔雀霞帔抹金銀墜頭 郡君冠服與縣主同惟冠用四翟翟子霞帔金繡鴛鴦文 縣君冠服與郡君同惟冠用三翟 鄉君冠服與縣君同惟大衫用丹碧紅翟子霞帔金繡練鵲 文武官員朝服 梁冠赤羅衣白紗中單俱用青飾領緣赤羅裳青緣赤羅蔽膝大帶用赤白二色絹革帶佩綬白襪黑履一品至九品俱以冠上梁數分等第 公冠八梁加籠巾貂蟬立筆五折四柱香草五段前後用玉爲蟬 侯冠七梁加籠巾貂蟬立筆四折四柱香

草四段前後用金為蟬 伯冠七梁加籠巾貂蟬立筆  
二折四柱香草二段前後玳瑁為蟬俱左插雉尾  
駙馬冠與侯同不用雉尾

一品冠七梁不用籠巾貂蟬革帶與佩俱用玉綬用綠  
黃赤紫四色絲織成雲鳳四色花錦下結青絲綢綬環  
二用玉笏用象牙 二品冠六梁革帶綬環用犀餘同  
一品 三品冠五梁革帶用金佩用玉綬用黃綠赤紫  
四色織成雲鶴花錦下結青絲綢綬環二用金笏用象  
牙 四品冠四梁革帶用金佩用藥玉餘同 五品冠  
三梁革帶用銀釵花綬用黃綠赤紫四色盤雕花錦下  
結青絲綢綬環二用銀鍍金笏用象牙 六品七品冠

二梁御史加獬豸革帶用銀佩用藥玉綬用黃綠赤三  
色絲織成練鵲花錦下結青絲綢綬環二用銀笏用槐  
木 八品九品冠一梁革帶用烏角佩用藥玉綬用黃  
綠二色絲織成鸚鵡花錦下結青絲綢綬環二用銅笏  
用槐木

右朝服于 大祀慶成正旦冬至 聖節及頒降開  
讀 詔赦進表傳制則服之

雜職等官 洪武三十年奏准凡遇大朝賀等禮亦照  
九品官具朝服行禮

文武官員公服 用盤領右衽袍或綺絲紗羅絹從宜  
製造袖寬三尺 一品至四品緋袍 五品至七品青

袍 八品至九品綠袍 未入流雜職官袍笏帶與八品以下同

公服花樣 一品用大獨科花徑五寸 二品用小獨科花徑三寸 三品散搭花無枝葉徑二寸 四品五品小雜花紋徑一寸五分 六品七品小雜花徑一寸 八品以下無紋

幪頭用漆紗二等展角各長一尺二寸其雜職官負幪頭用垂帶

笏依朝服爲之

腰帶 一品用玉或花或素 二品用犀 三品四品用金荔枝 五品以下用烏角鞋用青革仍垂撻尾干

下鞞用皂

右公服在京文武官于每日早晚朝奏事及侍班謝恩見辭則服之在外文武官負于每日清早公座服之

凡各處雜職未入流品人負若遇大朝賀進表等陪班行禮止用公服

公侯駙馬伯公服 洪武二十四年定服色花樣腰帶與一品同 文武官公服花樣如無從織買用素隨宜朝服公服制度內外文武官同其公服武官應直守衛者不拘此服 二十六年令常朝止穿便服若遇朔望具公服朝參內外未入流雜職官幪頭展角與入流官

同不用垂帶

文武官員祭服 文武官陪祭一品至九品青羅衣白  
紗中單俱用皂領緣赤羅裳皂緣赤羅蔽膝方心曲領  
其冠帶佩綬等第並同朝服 洪武六年定品官家用  
祭服三品以上去方心曲領四品以下并去佩綬 二  
十九年令在外未入流官陪祭俱用祭服與九品同

文武官員常服用雜色紵絲綾羅綵繡庶民止用紬絹  
紗布不許別用花樣 公侯駙馬伯麒麟白澤 文官  
一品二品仙鶴錦鷄 三品四品孔雀雲鴈 五品白  
鸚 六品七品鷺鷥鴻鴈 八品九品黃鸝鶴鶉練鵲  
風憲官用獬豸 武官一品二品獅子 三品四品

虎豹 五品熊羆 六品七品彪 八品九品海馬犀  
牛

凡官員及軍民僧道人等衣服帳幔並不許玄黃紫三  
色并織繡龍鳳文違者罪及染造之人其朝見人負四  
時並用顏色衣服不許純素

洪武禮制 凡各處雜職未入流品人員若遇朝賀進  
表箋陪班行禮止用烏紗帽紅團領衫黑角束帶 凡  
文武官常朝視事以烏紗帽團領衫束帶為公服一品  
玉帶二品花犀帶三品金級花帶四品素金帶五品銀  
級花帶六品七品素銀帶八品九品烏角帶 凡年老  
致仕及侍親辭閒官員許用紗帽束帶若為事黜降者

服與庶人同 洪武三年令百官服色準所授散官不許見任之職 二十二年令文武官除本等紗帽外遇雨雪許戴兩帽公差出外許帶帽子入城不許其公差人負出外者亦如之 二十三年令官員人等衣服寬窄以身為度文職官衣長自領至裔去地一寸袖長過手復回至肘袖樁廣一尺袖口九寸公侯駙馬與文職官同武職官衣長去地五寸袖長過手七寸袖樁廣一尺袖口僅出拳 二十四年定公侯駙馬伯束帶與一品同雜職未入流官與八品九品同 三十一年令致仕官服色與見任同若遇朝賀及謝 恩見辭一體服行禮 景泰四年令錦衣衛指揮侍衛者得

色 天順二年令官民八等衣服不得用蟒龍飛魚斗

牛大鵬象生獅子四寶相花大西番蓮大雲花樣及姜

黃柳黃明黃玄綠等色 儀賓凡朝服公服常服俱照

品級與文武官同惟笏皆用象牙常服花樣視武官

嘉靖七年 勅製忠靜冠服許在京七品以上翰林國

學行人在外方面府州縣正學官武職都督以上服之

教坊司官冠服 洪武間令教坊司官常服冠帶與百

官同至 御前供奉執粉漆笏服黑漆幘頭綠羅大袖

襪袍黑角偏帶皂靴

命婦冠服禮服 一品冠用金事件珠翟五箇珠牡丹

開頭二箇珠半開三箇翠雲二十四片翠牡丹葉一十



八片翠口圈一副上帶金寶鈿花八箇金翟二箇口銜  
 珠結二箇 二品至四品冠用金事件珠翟四箇珠牡  
 丹開頭二箇珠半開四箇翠雲二十四片翠牡丹葉一  
 十八片翠口圈一副上帶金寶鈿花八箇金翟二箇口  
 銜珠結二箇 一品至四品霞帔褶子用雲霞文銀花  
 金墜子 五品至六品冠用抹金銀事件珠翟三箇珠  
 牡丹開頭二箇珠半開五箇翠雲二十四片翠牡丹葉  
 一十八片翠口圈一副上帶抹金銀寶鈿花八箇抹金  
 銀翟二箇口銜珠結子二箇霞帔用雲霞文 五品鍍  
 金銀花銀墜子 六品鍍花銀墜子 七品至九品冠  
 用抹金銀事件珠翟二箇珠月桂開頭二箇珠半開六

箇翠雲二十四片翠月桂葉一十八片翠口圈一副上  
 帶抹金銀寶鈿花八箇抹金銀翟二箇口銜珠結子二  
 箇 七品霞帔褶子與八品同 八品九品霞帔用繡  
 纏枝花墜子與七品同褶子繡枝團花 洪武五年定  
 命婦團衫之制以紅羅為之繡重雉為等第一品九等  
 二品八等三品七等四品六等五品五等六品四等七  
 品三等其餘不用繡雉 二十四年定命婦冠服公侯  
 伯與一品同大袖衫用真紅色 一品至五品綺綾羅  
 隨用六品至九品綾羅袖絹隨用霞帔褶子皆用深青  
 段匹公侯及一品至二品金繡雲霞翟文三品四品金  
 繡雲霞孔雀文五品繡雲霞鴛鴦文六品七品繡雲霞

練鵲文 命婦入內朝見 君后在家見舅姑并夫及  
祭祀則服之 大袖衫領闊三寸兩領直下一尺間綴  
紐子三前身長四尺一寸二分後身長五尺一寸內九  
寸八分行則摺起末綴紐子二紐在掩紐之下拜則放  
之袖長三尺二寸二分根闊一尺口闊三尺五分落摺  
一尺一寸五分掩紐二就用衫料連尖長二寸七分闊  
二寸五分各于領下一尺六寸九分處綴之于掩下各  
綴紐門一以紐住摺起後身之餘者冠子亦用初料兩  
塊斜裁上尖下平連尖長一尺六寸三分每塊下平處  
各闊一尺五分縫合于領下一寸七分處綴之上綴尖  
皆縫合以藏霞帔後垂之末一或帔二條各長五尺七

寸闊三寸二分各繡禽七隨品級用前四後三各繡臨  
末左右取尖長二寸七分前後分垂橫綴青羅攪子牽  
聯並之前垂三尺三寸五分尖綴墜子一後垂二尺三  
寸五分臨末插堯子內藏之墜子中鈿花禽一四面雲  
霞文禽如霞帔隨品級用笏以象牙爲之團首方脚長  
六寸四分闊一寸五分厚一分五厘

命婦常服 洪武二十四年定命婦用顏色圓領衫  
進士巾服 洪武初定進士巾如今烏紗帽之製頂微  
平展角闊寸餘長五寸許系以垂帶皂紗爲之深色藍  
羅袍緣以青羅袖廣而不殺革帶青鞋飾以黑角垂捷  
尾于後笏用槐木 廷試後赴國子監領出傳臚日服

之至上表謝 恩後謁 先師孔子行釋菜禮畢始易  
常服其巾袍等仍送國子監交納

狀元冠服 朝冠二梁緋羅為之圓領白絹中單錦綬  
蔽膝金槐笏一把紗帽一頂光素銀帶一條藥玉佩一

副朝靴氈襪各一雙俱在內禮部官引至 御前頒賜  
上表謝 恩日服之

生員巾服 洪武二十四年定生員襴衫用玉色布絹  
為寬袖皂緣皂條軟巾垂帶

吏員巾服 洪武四年定各衙門掾吏令史書吏司吏  
典吏穿皂盤領衫繫絲條戴四方平定巾 十四年命

吏員皂衣改用青色 三十年令令史典吏皆服吏巾  
巾樣不與庶民同

士庶巾服公使人等附 士庶初戴四帶巾令改四方  
平定巾雜色盤領衣不用黃執仗之士首服鍍金額交

脚幘頭服諸色辟邪寶相花裙襖銅葵花束帶皂紋靴  
刻期冠方頂巾衣胸背鷹鷄花腰線襖子諸色闊絲匾

條象牙雕衣環行滕八帶鞋皂隸冠圓頂巾衣皂衣  
洪武三年令庶民男女衣服並不得僭用金繡錦綺紵

絲綾羅許用紬絹素紗其首飾釧鐲並不許用金玉珠  
翠止用銀鞋不得裁製花樣金線粧飾 四年令皂隸

公使人穿皂盤衫戴平頂巾繫白襜膊帶錫牌 六年  
令庶民巾環不得用金玉瑪瑙珊瑚琥珀未入流品者

續文獻通考 卷之二百三十六 三十八 四百五十五朱山

並同庶民帽不得用頂帽珠許用水晶香木校尉質孫束帶幘頭靴鞋刻期雕刻雜花象牙條環外餘同庶民十四年令農民之家許穿紬紗絹布商賈之家止許穿絹布如農民之家但有一人為商賈者亦不許穿紬紗校尉用金鵝帽黑漆戩金荔枝改作銅釘樣每五釘攢就四面稍起邊欄鞋用青繫束之各衙門祇禁原穿皂衣改用淡青凡僧道服色禪僧茶褐常服青條玉色袈裟講僧玉色常服綠條淺紅袈裟教僧皂常服黑條淺紅袈裟僧官皆如之道士常服青法服朝服皆用赤色道官亦如之惟僧錄司官袈裟道錄司官法服朝服皆綠紋飾以金二十二年令將軍力士校尉

旗軍常戴頭巾或襜腦官下舍人并儒士吏員民人等常戴本等頭巾鄉村農夫許戴斗笠蒲笠出入市井不禁不親農業者不許二十三年令耆民儒士生員衣制同文職惟袖長過手復回不及肘三寸庶民衣長去地五寸袖長過手六寸袖椿廣一尺袖口五寸軍人衣長去地七寸袖長過手五寸袖椿廣不過一尺窄不過七寸袖口僅出拳二十五年令文武官員同籍父兄伯叔弟姪子婿及儒士生員吏典知印承差欽天監天文生太醫院醫士瑜珈僧正一道士將軍散騎舍人帶刀之人正伍馬軍并馬軍小旗教讀大誥師生許穿靴校尉力士遇上直許穿出外不許其庶民商賈杖藝

續文獻通考 卷之三百三十六  
步軍及軍下餘丁管步軍總小旗官下家人火者皂隸  
伴當在外醫下陰陽人皆不許止許穿皮扎鞦其北平  
及山西山東陝西河南并直隸徐州地寒人民許穿牛  
皮直縫靴 二十六年禁官民步卒人等不許服對襟  
衣惟騎士不拘

士庶妻冠服婢使人等附 士庶妻首飾許用銀鍍金  
耳環用金珠釧鐲用銀服淺色團衫許用紵絲綾羅紬  
絹 洪武五年令凡民間婦人禮服惟用紫染色絕不  
用金繡凡婦女袍衫止用紫綠桃紅及諸淺淡顏色不  
許用大紅鴉青黃色帶用藍絹布凡女子在室者服飾  
之高頂髻用絹布狹領長襖長裙小婢使縮雙髻用長

袖短衣長裙 成化十年禁官民人等婦女不許借用  
渾金衣服寶石首飾

樂人中服 樂藝冠青卍字頂巾繫紅綠褶膊樂妓則  
戴明角冠皂襪子不許與庶民妻同 洪武十二年令  
教坊司伶人常服綠色巾以別士庶之服十四年令樂  
人戴鼓吹冠不用錦條惟用紅褶膊服色不拘紅綠  
二十一年令教坊司婦人不許戴冠穿襪子 二十五  
年令樂工當承應許穿靴出外不許 三十年令樂人  
衣服許用明綠桃紅玉色水紅茶褐顏色其餘不得穿  
用俳優色長樂工俱戴皂頭巾繫雜色條

御前供奉俳優長皆服鼓吹冠紅羅胸背小袖袍紅絹褶

續文獻通考卷之二百二十六  
膊皂靴 色長皆服鼓吹冠紅青綠紵絲衫畫百花袍  
紅絹裕膊 歌工皆服弁冠紅羅織錦胸背大袖袍紅  
生絹錦領中單黑角束帶紅熟絹錦腳袴皂皮琴鞋白  
綿布夾襪 樂工服色與歌工同  
中宮供奉女樂奉鑾等官妻本色髮髻青羅圓領 提  
調女樂服黑漆唐巾大紅羅鋪金花圓領鍍金花帶皂  
靴 歌童女樂服黑漆唐巾大紅羅鋪金裙襖胸帶大  
羅抹額青綠羅衫畫雲肩描金牡丹花皂靴 奏樂女  
樂服色與歌童同

